



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



## A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

## Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

## À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>

38514.56.5



Harvard College Library

BOUGHT WITH INCOME

FROM THE BEQUEST OF

HENRY LILLIE PIERCE,  
OF BOSTON.

Under a vote of the President and Fellows,  
October 24, 1898.





16398

LES  
**QUINZE JOYES DE MARIAGE**

TEXTE DE L'ÉDITION PRINCEPS  
DU XV<sup>E</sup> SIÈCLE

PREMIÈRE RÉIMPRESSION


PAR

**FERDINAND HEUCKENKAMP**



HALLE 1901  
**MAX NIEMEYER**  
ÉDITEUR

38514.56.5



Pierce fund.



**L**e texte que nous présentons ici est la réimpression exacte de la première édition des *Quinze joyes de mariage*. Cette édition princeps dont nous ne connaissons que l'exemplaire unique de la Bibliothèque Nationale de Paris, coté actuellement Y<sup>2</sup> 150, a été décrite par G. Brunet dans son *Manuel* Tome IV, page 1030. Elle appartient au XV<sup>e</sup> siècle et peut-être est-elle un des premiers livres imprimés en caractères mobiles.

L'exécution en est encore très imparfaite. Les erreurs de typographie sont assez nombreuses, de sorte que nous nous sommes cru obligé d'en corriger au moins les plus évidentes, celles qu'un correcteur médiocrement consciencieux eût rectifiées.

Voici en quoi nous nous sommes écarté du texte : chaque fois que nous avons trouvé une lettre renversée, ce qui arrive très souvent pour les lettres u et n, nous avons corrigé cette faute. Nous avons été obligé de rendre les abréviations en reproduisant dans leur entier les mots ou les syllabes qu'elles figuraient. Enfin nous avons corrigé les fautes suivantes :

Page 3 ligne 18 nous lisons ta pour la

"	11	"	17	"	"	le playfir pour de playfir
"	14	"	21	"	"	tant pour iant
"	7	"	14	"	"	largement pour l'agement
"	14	"	9	"	"	et pour et et



**Page 16 ligne 21 nous lisons fe pour ee (=ce)**

"	19	"	27	"	"	comment pour commeēt
"	27	"	21	"	"	sufpec pour suepec
"	29	"	4	"	"	poure pour puure
"	34	"	30	"	"	tafte pour tafre
"	36	"	32	"	"	de pour de de
"	38	"	23	"	"	vrayement pour varye-
"	55	"	2	"	"	puift pour puilt [ment
"	57	"	23	"	"	ne pour n
"	60	"	13	"	"	les pour fes
"	63	"	14	"	"	qui pour qui qui
"	70	"	13	"	"	bien pour bten
"	70	"	29	"	"	marier pour mareir
"	74	"	24	"	"	dire pour dire dire
"	68	"	28	"	"	eft pour fet
"	71	"	22	"	"	bans pour ans
"	80	"	25	"	"	telle pour felie.

En produisant ce texte encore inédit, nous espérons faciliter l'étude critique et scientifique du charmant petit livre si justement apprécié pour la malicieuse naïveté, la finesse aiguë de l'observation dissimulée sous un laisser-aller plein d'enjouement, une facilité sobre et naturelle qui contraste heureusement avec la lourde rhétorique ou la grossièreté licencieuse si souvent reprochées aux ouvrages de ce temps.

PARIS, Juin 1901.

F. HEUCKENKAMP.



Plusieurs ont trauaille a amonester par grans raisons et auctorites que cest plus grant sens de viure en terre a tout homme en franchise et liberte que de foy aseruir de sa volente sans contrainte A loppinion desquelz on pourroit dire que vng homme na bon sens qui es ioyes et delices de ce monde comme en ieunesse garnie de sa volente et de son propre mouuement sans neccessite comme lentrete dune estroicte chartre douloureuse plaine de larmes de gemissemens et dangoisses et se bouter dedens Et quant il est leans enclos on lui ferme la porte qui est de fer fermant a grosses barres et est si estroitement tenu que iamaif pour nulles prieres ne auoir nen pourroit faillir Et par especial doit on bien tenir celui fol et sans sens de foy estre ainly emprisonne sil auoit oy par deuant plourer au dedens de la dure et aspre chartre les prisonniers qui leans estoient et pource nature humaine appete de sa liberte et franchise plusieurs grans seigneurs et seignourief se sont perdues pource que les seigneurs diceles voloient tollir franchise et liberte a leurs subiectz Et aussi semblablement plusieurs cites et villes et plusieurs autres menus peuples ont este destruis par desobeissance voulans trop grans franchises auoir pour laquelle plusieurs guerres ont este et grans occisions par ce que les nobles francoif par leurs grans et excellentes prouesses furent fais frans et

exemptes des tribus et seruitutes des empereurs de rome dont maintes batailles ont este faictes et obtenues a lencontre des nobles françois Si aduint vne fois pource que ilz ne furent pas affes fors pour actendre la grant puiffance de lempereur qui estoit entre en leur terre aymerent mieulx laisser et guerpier leur pais que aucunement faire seruice ou tribut a lempereur Dont ilz monstrerent bien a ycelle heure la grant excellence de noblesse qui estoit en leur cuers Et pource sen allerent conquerant pays et terres par leurs vaillances Et apres recouurerent les terres de france noblement a lespee La quelle ilz ont tenue franche iusques a maintenant quant au reguart de leur prouffit singulier Et pource toute nacion de gens qui estoient en seruitutes desiroient lors estre en france pour estre frans Dont il aduint que france fut la plus noble terre qui fust au monde et la plus riche la plus peulee la plus habitee et la mieulx edifiee florissant en richesse en science et en prudence en la saincte foy catholique et en toutes autres bonnes meurs et vertus Et pource quilz sont frans raison veult quilz tenissent le peuple franchement en baillant la loy a leurs subgetz quilz ont prinse pour eulx Car il ne est pas chouse raisonnable dauoir ne decent dauoir vng droit pour soi et lautre pour ses voisins Dont est aduenue pour ce que la liberte est du tout deserte et destruite du peuple desolee de science et de plusieurs autres choses Et ainsi par consequent y regnent peches et vices Et en generalite chascun deust aymer le bien commun On pourroit a ceste parole dire que celui qui naime son bien particulier

est homme de mal sens Et mesmement quant il le peut faire sans dommage dautrui Car len tiendroit bien celui de petit conseil qui de propos delibere se viendroit mettre en vgne fosse large par le bas et estroicte par deffus de laquelle nul home ne pourroit faillir Et telles fosses fait len a prendre les bestes fauluges en grans foretz Et adoncques quant ilz sont cheus en icelles fosses ilz sont fort esbahis et tournient pour cuider trouuer maniere coment ilz en pourront issir mais alors il nest pas temps Ces choses pourroit on dire de ceulx qui sont en mariage qui ressemblent le poisson estant en la belle nasse en la riuere en franchise qui va et vient tant quil trouue vne nasse en laquelle a plusieurs poissons qui se sont pris a la pasture qui estoit dedens quilz ont sentu au flayrer Et quant celui poisson les veoit il trauailloit moult pour y entrer Et va tant a lenuiron de la dicte nasse quil trouue lentree et entre dedens cuidant estre en delices et plaisances Car il cuidoit que les autres qui leans estoient eussent tous leurs desir Et quant il y est entre il ne sen peut pas retourner Et est leans en dueil et en tristesse ou se pensoit auoir ioye et liesce Et tout en ceste maniere peut on dire de ceulx qui en mariage se sont boutes Car ilz voient les autres maries dedens la nasse qui font semblant de noer et de foy esbanoier Et pource font tant dun coste et dautre quil trouuent facon et maniere dy entrer Et quant ilz y sont ilz ne sen peuvent retourner Mais est force quilz demeurent la Pource dit vng docteur que on appelle valere a vng sien ami qui cestoit marie Et lui demandoit fil auoit bien fait

Et le docteur lui respont en ceste maniere Mon ami dist il naues vous peu trouuer vne autre fenestre pour vous laisser trebucher en vne grosse ryuiere pour vous mectre dedens la teste la premiere Celui disoit en oultre quil se debuoit exposer en maints perilz et en maintz dangiers deuant que perdre franchise Et moult durement se repentit larchidiacre de theroane qui pour entrer en mariage laissa le noble pelerinage et estat de clerc et se maria a vne femme vesue en laquelle selon ce quil racomptoit il demoura en seruage bien long temps en grant douleur et en grant tristesse Pour lesquelles choses soy repentant et soy desconfortant Et aussy voulant prouffiter aux succedans fit et composa vn beau traictie Et plusieurs autres ont trauaille et mis peine en maintes manieres pour monstrier la grant douleur et misere qui y est Et aucunes deuotes personnes pensans et aians deuocion a la benoicte vierge marie et considerant contemplatiuement les grans ioyes que elle pouoit auoir durant les misteres saincts qui furent en ladministracion de la natiuite de lascencion et des autres qui sont mis au nombre des quinze ioyes Auquel nom et pour loneur dicelles ioyes plusieurs bons catholicques ont fait et compose plusieurs belles et deuotes oraisons a loneur et a la louenge dicelle benoicte vierge marie Moy aussy pensant et considerant le fait de mariage ou ne fuf oncques par ce quil a pleu a dieu me mectre en autre seruage hors de franchise que ie ne puis recouurer Ay aduise que en mariage a quinze simonies selon ce que ien puis sauoir par veu et ouyr dire a ceux qui bien le sauoient Lesquelz ceulx qui sont maries



tiennent a ioies plaifances et felicités Et fi ne croient nulles autres ioies estre pareilles a celles mais felon bon entendement celles quinze ioies de mariage font felon mon aduis et felon ce que ien puis congnoiftre quinze les plus grant maleuretes qui foient au monde ne fur la terre Esquelles nules autres peines fans ce quil y ait incifion ou greueure du corps ou de membres ne font pareilles a continuer Mais pourtant ie ne les blafme pas de foi marier Et dy et veulx fouftenir quilz font bien Et la raifon fi eft pour ce que nous ne fommes en ce monde mais que pour faire penitences et fouffrir afflictions et peines et pour mater la char afin que par ycelles peynes et afflictions on puiffe acquerir paradis Et il me semble que vng homme ieune ne fe pourroit iamais mettre en plus grandes ne expres penitences que de endurer et fouftenir les grandes peines et les grans tourmens qui cy apres font contenus et declares Mais il y a vne chose qui me reconforte Car ceulx qui font maries prennent ycelles peines et tourmens pour ioies et liefces Et y font auffi adures et acouftumes comme vng afne a porter fomme Et semble quilz foient bien aife Et pour ce cest a doubter filz en auront nulles merites Et ainfi cestes peines et tourmens quil prennent pour ioies considerant la repugnance qui eft entree en leur entendement et lennuy de plusieurs autres mefmes qui se deduyfent en regardant les autres noer en la naffe ou ilz font fi bien embarres a escrire les quinze ioies de mariage a leur confolacion en perdant ma peine mon encre et mon pappier au regart des autres qui font maries

qui pource ne laisserent pas de foy marier et mettre  
en la nasse ne nest aussi bonne entencion mais aul-  
cuns a laduanture sen pourroyent repentir quant il  
nen feroit pas temps Et pour ycelle cause en ytelles  
ioyes ilz demeurent et demourront toute leur vie  
Et miserablement leurs ioyes finiront

Cy apres sensuit la premiere ioye de mariage





**L**a premiere ioie si est quant le ieune homme est en sa belle ieunesse et adoncqes quil est frais et tendre nait et plaissant et ne sesmaye de riens qui soit au monde mes que de tirer ses aguillettes faire balades dancer chanter et regarder lesquelles ont le plus beau nes et ne fait que aduiser ou il pourra trouuer ses iolyuetes selonc lestat dont il est Et ne sesmaye point dont vient le bien quil a car a laduanture il a pere ou mere ou autres parens qui lui baillent ce quil luy fault a maintenir ses iolyuetes Et combien que a celle heure il a aises et plaissances largement et habondamment touteffois il ne les peut endurer Mais regarde les autres maries qui sont en la nasse bien auant embarres qui seshanoyent ce lui semble pource quilz ont la pasture aupres deulx dedens la nasse Cest assauoir la femme qui est belle et bien paree et bien habillee de telz habillemens que son mari nauoit pas tous paies Car on lui auoit fait acroire que son pere et sa mere les lui auoient donnees de leurs liurees Et tournye et tourne le ieune homme autour de la nasse Et fait tant que il aduient bien souuent que il senquiert petitement des besongnes Et puis si boute tel feur tel vente Or est dedans la nasse le pource homme qui ne souloit au temps passe seshajer que de chanter et dacheter daguilletes et bourcetes de soye et autres semblables iolyuetes pour donner aux belles



filles Il se delite et ioue vng peu dedans et ne  
selsmaie point de foy en issir iusques a ce quil sen  
aduise vng pou aulcunefois mais il ne est pas temps  
ne heure de foy repentir Sa femme lui conuient  
mectre en estat ainsi comme il appartient A lad-  
uanture elle aura le cuer bon et gay et aduifera  
lautre iour a vne feste ou elle fut les aultres femmes  
de son estat qui estoient toutes abillees a la nouvelle  
facon Si dit en soi mesmes que bien appartient a  
son lignaige et a ses parens quelle soit aussi bien  
habillee comment elles lors regarde et aduise temps  
et lieu et heure de parler de la matiere a son mari  
Et la ou volentiers especialement les maris sont  
plus subjectz et enclins pour octroier cest au lict au  
quel le compaignon dont iay parle veult entendre  
a ses desirs et plaifirs et lui semble que il na autre  
chose a faire Lors commence et dit ainsi la dame  
Mon amy laisses moy car ie suys a grant mal aise  
Ma mie respont le bon homme de quoy est ce  
Certes ie le doy bien estre mais ie ne vous en diray  
rien Car vous nen faictes compte de rien que ie  
vous die Mamie dit il pour quoy me dictes vous  
telles paroles Pour dieu fait elle fire il ne est ia  
mestier que ie le vous die Car est vgne chose que  
se le vous disoie vous nen feries conte et si semble-  
roit que ie le seisse pour autre chose Vrayement  
fait il vous le me direz lors fait elle puis quil vous  
plait ie le vous dyray Mon amy vous saues bien  
que ie fus lautre iour a la feste qui ne me plaisoit  
gaires mais quant ie fus la ie croy quil ny auoit en  
toute lasssemblee femme tant fut elle de petit estat  
qui fust si mal habillee que iestoie Combien que

ie ne le dis pas pour moy louer Mais dieu mercy  
ie suis de aussi bon lieu comme dame ou damoiselle  
qui y fust Je men raporte a ceulx qui scaiuent les  
lignages Je ne le dis pas pour mon estat Car il  
ne me chaut comment ie soie vestue mais ien ay  
honte pour lonneur de vous et de mes amis Or  
mamie fait il quel estat auoient elles a celle feste  
Et elle respont Par ma foy il ny auoit si petite femme  
de lestat dont ie suis qui neust robe neufue Et  
adonc le pseudomme demande de quel drap estoient  
leurs robes et elle respont quilz estoient descalate  
ou de malines ou de bon fin vert gay fourree de  
bon gris ou de menus vers a grans manches et a  
grans queues et chaperons a laduenant avecques  
vn beau tiffu rouge ou vert pendant iusques a terre  
Et tout fait a la nouuelle facon Et iauoie encores  
la robe de mes nopces laquelle est bien vsee et  
bien courte pour ce que ie suis creue despuis que  
elle fut faicte Car ie estoie encores ieune fille et  
de petit aage quant ie vous fus donnee Et si ie  
suis desia si gastee tant ay de peine que mainte-  
nant ie sembleroie bien estre mere a celle a qui ie  
sembloie estre fille et certes iauoie mout grant honte  
quant iestoie avecques elles que nullement ie n'osoye  
ne sauoye faire nulle contenance Et encore avec-  
ques tout ce me fit plus grant dueil et plus grant mal  
quant la dame de tel lieu et la femme de tel me  
vindrent dire deuant tous que ce estoit grant honte  
que ie nestoie mieulx habillee Et par ma foy elles  
nont garde de my trouuer mes de piefce Et le bon  
homme respont et dit Haa mamie ie vous dirai  
Vous saues que nous auons beaucoup a faire Et

faues que quant nous entraſmes en noſtre mariage  
 premierement que nous nauions pas grant foifon  
 dargent contant ne de biens meubles Et conuint  
 achater litz couches et moult dautres chofes Et  
 nauons pas grant argent quant pour le preſent Et  
 ſi ſcaues bien quil nous fault achater deux buelfz  
 pour noſtre gaygnage de tel lieu Et encores lautre  
 iour cheut le pignon de noſtre maiſon par faulte  
 de couuerture qui eſt a refaire neceſſairement pour  
 la premiere choſe et ſi me faut faire de grans deſ-  
 pens et me fault aller a laſſiſe de tel lyeu pour le  
 plaît que iay de voſtre terre meſmes don ie nay  
 rien eu au moins bien pou et faudra que ie y deſ-  
 pendre grant argent Haa fait elle fire ie ſauoie  
 bien que vous ne me porries autre choſe que re-  
 proucher ſi non ma terre Lors elle ſe retourne  
 de lautre part et dit pour dieu laſſes moi eſter  
 Car ie nen parleray iamais Quel dyable dit le  
 preudome mamie vous vous courrouces ſans cauſe  
 Non faiz fire fait elle Car ſe vous nen auez rien  
 eu ie nen puis mais Car vous ſaues que ieſtoie  
 parlee de marier a tel et a tel Et en plus de xx  
 autres lyeux leſquelz ne demandoient nulz biens  
 mais ne vouloient ſeulement auoir que le corps  
 Et ſi ſaues bien que vous allies et venies ſi ſou-  
 uent vers moy et tranſmetties meſſages par telle  
 facon que nullement ie neuffe pas voulu auoir autre  
 que vous dont ie ſuis mal de mon ſeigneur mon  
 pere et de ma dame ma mere dont ie me doy bien  
 hair Et ie vous demande fire fait elle ſe les fem-  
 mes de tel et de tel qui me cuydoient bien auoir  
 ſont en tel eſtat comme ie ſuis Par ſaint iehan

mieux valent les robes que elles laissent a leurs  
chamberieres que celles que ie porte aux dymen-  
ches ne ie ne scai que cest a dire dont il meurt tant  
de bonnel gens dont il est grant dommage mais a  
dieu plaife que ie ne viue gueres au moins ne fiffies  
vous compte de moy et neuffies plus de desplayfir  
pour moy Par dieu fait il ce nest pas bien dit Car il  
nest pas chose que ie ne fisse pour vous mais vous  
deues regarder a mon faict Tournez vous vers moy  
et ie feray ce que vous vouldres Pour dieu fait elle  
laiffes moi ester Car par ma foy il ne men tient point  
et pleust a dieu quil ne vous en tenist iamais plus que  
il fait a moy Par ma foy vous ne me toucheries  
iamais Non fait il Certes fait elle non Lors pour  
lessaier bien se lui semble il lui dist Se iestoie tref-  
passe vous series tantost mariee a vng autre Sire  
fait elle ce seroit pour le playfir que ie y ay eu  
par le sacrement dieu iamais bouche domme ne  
tocheroit a la mienne Et se ie sauoie que ie deusse  
demourer apres vous ie feroie tant que ie men  
yroie la premiere Et commence a plourer Et ainfi  
se contient la dame combien quelle pense tout le  
contraire et le bon home est bien aise et en mal  
aise pource quil cuide que elle soit froide femme et  
si chaste quelle nait cure de celle ordure et aussi  
cuide que elle layme fort et aussi est il a mal aise  
pource quelle ploie dont il a le cuer piteux et dou-  
lant et ne fera iamais aise tant que elle soit apaisee  
Et trauaille par maintes manieres a lui faire plaisir  
mais elle qui actent a ferir son cop quelle a actendu  
pour auoir la robe nen fera rien mais se lieuera  
bien matin a heure non acoustumee Et fera tout



le iour mauuaife chere et naura delle nulle belle  
parolle puis venra lautre nuit quelle se couchera  
Et apres quelle fera couchee le bon homme escou-  
tera felle dort et aduifera felle a les bras couuers  
Et la recouurira fil en eft mestier Lors elle fera  
femblant de foy efueiller Et le preudomme lui dit  
Dormes vous mamye Non fait elle Eftes vous  
bien apaisee Mon courroux eft bien peu de chose  
et dieu mercy fait elle iay affes de biens en fouspi-  
rant puis quil lui plait Par dieu fait il mamie nous  
aurons affes et ay aduife vne chose que vous feres  
aux nopces de ma cousine la mieux ordonnee que  
femme qui y soit Certes fait elle ie nentreray a  
feste de ceste annee Par ma foy fait il fi feres et  
aures ce que demandes Que ie demande fait elle  
Certes ie ne demande riens mais ainfi me soit dieu  
en ayde que ie ne le demande pas pour enuie que  
iaye deftre iolie Car ie voudroie que ie nallasse  
iamais hors de vofre maifon fors a lesglise mais ie  
ne le dys mais que pour les paroles qui en furent  
tenues entre les autres Car ie lay fceu par ma  
commere qui en ouyt affes de paroles qui le me  
dit Lors penfe le poure homme nouveau mefnagier  
qui a beaucoup a faire de choses et a laduanture na  
pas grant meuble et la robe couftera fincquante ou  
foixante efcus dor Et en pensant il trouue maniere  
de trouuer cheuance et touteffois il la fault auoir  
Car il voit fa femme qui a fon aduis eft bonne et  
preude femme Et loue dieu en fon couraige dont  
il lui a donne fi beau ioel que elle eft Lors se  
retourne fouuant de lun cofte fur lautre ne ia ne  
dormyra de toute la nuit qui bien lui face Et au-

cune fois il aduient que la dame est si rusee que elle congnoit bien son faict et sen rift entre les dens Quant vient au matin le preuxdomme qui est tout debatu des grans souffis quil a eus se lyee et sen va a laduanture prendre du drap et la panne a creance Et sen oblige aux marchans ou emprunte ou engage x liures de rente ou porte vendre vieux ioyaux dor ou dargent qui estoient du temps de son pere qui les auoit gardes et fait tant quil vient en sa maison garny de toutes les choses que la dame demandoit laquelle fait semblant quil ne lui en chault et maudit tous ceulx qui premierement amenerent si grans estas Et quant elle voit que la chose est seure elle dit Mon amy ne me reprouches pas vn de selsours que ie vous aie fait mectre vostre argent car ie ne donne pas de robe que iaie vng denier mes que ie soie chaudement Briefuement la robe se fait et la sainture et le chaperon Or est venu le terme quil fault payer les creanciers et le pouure homme ne peut fournir Ilz ne veulent deporter et le font excommunier et excecuter Et la dame le scet bien Et a laduanture apres lexcommuniement par ce quil naura peu paier la debte il fera rangregie Et dieu scet le plaisir en quoi le poure homme vit et vse les iours Car la dame va criant par la maison et dit ainsi Ha mauldicte soit leure que ie fus oncques nee et que ie ne mourus en mes aubes Helas oncques mais si grant honte ne mauint ne a femme de mon lygnage Helas fait elle iay trauaille a gouuerner la maison et tant que iay peu faire ne amasser se pert Jeusse este mariee en plus de xx lieux se ieusse voulu ou ieusse eu plus donneurs et de

richesses car ie scai bien comment leurs femmes font Et pource lasse que ne vient la mort me prendre Ainsi fait la dame ses complaints qui ne pense point au gouvernement quelle a mis aux estas quelle a volu auoir et porter es nopces ou elle est allee quant elle deuoit penser de son mesnage mais elle met tout sur la faulte du poure homme qui a laduanture ny a cause et dont elle est cause efficiente et aussi il est abesti par le droit du ieu quil ne se congnoit point quelle y ait faute Ne demandez ia les douleurs et les pensees ou le poure homme est qui ne dort ne repose mais pense a toute heure comment il pourra apaisier sa femme et mettre remede a son debte Mais il est encores plus courrouffe de la dame que se donne malaïse que du surplus Ainsi languist et chet en pourete Et a peine se relieuera iames puis quil est ainsi aculle mais tout ne luy est que ioye Ainsi est enclos en la nasse Et a laduanture ne sen repent point Et sil ny estoit il sy mectroit bien tost et ne auroit iames bien tant quil y fust Et la le poure homme vfera sa vie en languissant tousiours et finira miserablement ses iours





**L**a seconde ioie de mariage est quant la dame se sent richement habillee comme dit est et scet bien quelle est belle Et aussi va a plusieurs festes ou assemblees et pelerinages et aucunefois il ne plaist pas au mari Elle entreprend daller en voiage avec sa cousyne la commere ou son cousin qui a laduanture ne lui est riens mais elle a acoustume de ainsi lappeller et pour cause et sa mere qui voit aucune fois des besongnes dist au poure homme que il est son cousin pour luy esclarcir le cuer Et aucunefois le mary qui ne veult quelle y aille dira quil ny a nulz cheuaux ou autre chose Lors la commere ou sa cousinne dira Par dieu mon cousin ie suis bien marrye dy aller Car iay bien affaire en ma mayson Mais sy mayst dieu se ne fut vostre honneur et le myen ie nen parlasse ia et par ma foy ie scay bien que ma cousine ou ma commere vostre femme ne luy plaist gueres a y venir Car cest la femme en ce monde qui a le plus grant hastte de sen venir quant elle est en quelque lieu hors de sa maison Lors le preudomme qui est par telles paroles vaincu demandera quelles femmes yront ou quelz hommes en leur compaignie Par ma foy mon cousin mon compere ou ma commere y viendront Vostre dame la mere de ma cousine vostre femme et la femme de tel et de tel et son cousin et le vostre Les autres tous sont de nostre



rue ou denuiron Je vous ose bien dire que il y a  
bonne compaignie et fust ce pour faire compaignie  
a la fille dung roy et si est de preudommye et de tout  
honneur Et a laduanture celle qui parle doit auoir  
vne robe ou autre chose pour bien iouer le per-  
sonage et ce aduient souuent Je scay bien fait il  
que la compaignie est belle et bonne mais elle a  
ceans beaucoup a faire Or luy donne le preudomme  
licence Et gardes bien fait il de muser par les  
chemins et faicte comme quil soit que vous soyes  
venue au soir Lors la dame qui voit quelle a  
congie fait semblant quelle aymast mieux ny aller  
point et dit Par dieu mon amy fait elle ie nay que  
faire de y aller ie vous prie que ie ny aille point  
Vrayement dit lautre ma cousine vous y viendres  
Lors le bon homme trait areiere sa commere et lui  
dit Ma commere se ce ne estoit pour fiance que  
iaï en vous elle nyroit point Haa mon compere  
fait elle par dieu qui tout le monde fit vous le  
pouez bien et seurement faire Elles se mectent  
au chemin et puis se mocquent du bon homme  
Et vont disant lune a lautre que il a vng peu de  
ialoufie La se rendent les galans de toutes pars  
qui auoient a laduanture mise en erre la besongne  
a la feste qui fut deuant Et factendirent icy a con-  
clurre de tout leur faict Dieu scet comment la  
dame est festoie seruye et honoree pour lamour de  
son mari Et dieu scet comment elle semploie a  
dancer chanter et faire grant chere Et comment  
elle prise pou son mari quant elle se voit tant prisee  
et louee Certes les galans qui voient quelle est  
bien habillee et bien appareillee chascun saduance

pres d'elle a lui offrir lun plus que lautre Car ioly-  
 uete et menu trot de femme monstrent et donnent  
 hardement et atraict a tous rybaux de parler Lung  
 presente beaux moz gracieux Lautre marche sur  
 le pie ou lui estraint la main Lautre la regarde  
 dun regart tranchant et piteux de coste Lautre lui  
 presente vn dyamant ou vng rubys Par lesquelles  
 choses la dame peut affes fauoir de leur volente se  
 elle est telle que elle ait raison aucunement La se  
 met aucunesfois hors de son charroi et prent plaisir  
 en aucunes besongnes Et a lauanture y aura pis  
 Or est mis le poure homme en neceffite pour lestat  
 de sa femme lequel estat est cause de la faire aller  
 aux assemblees et aux festes La se rendent les  
 galans de toutes pars qui ne entendent a nul en-  
 droit sinon a decepcion pour le poure homme et  
 nen eschape gueres Or il est cause de sa honte dont  
 aduient que par longue continuacion que la dame  
 lui en a dit aucune chose il en trouue la verite ou  
 il sen doubte Et par ce chet en vne rage de ialou-  
 sie en laquelle ne se doit bouter nul sage homme  
 Car fil sent vne fois le mal de femme iamais nul  
 medicin ne le garira Et lors il la batra et empirera  
 la besongne Car elle ne sen chastiera iamais Et  
 en la batant ne fait que alumer le feu de la folle  
 amour d'elle et de son amy Et aduient aulcunesfois  
 quil lui cope des membres dont aduient quil en  
 pert son chastel et deuiendra comme tout abesty et  
 met tout a non chaloir Et iamais puis que ainfi  
 est elle ne laymera fors que pour passer temps et  
 pour ly faire vmbre La vit le poure homme en  
 peine et tourment moult grant Et tout ce il prent

pour ioyes Or est il en la nasse bien parfont Et  
fil ny estoit si sy mettroit il bien parfont et a grant  
haste La vfera le poure homme sa vie en langif-  
fant tousiours Et finira miserablement ses iours





**L**a tierce ioie de mariage si est que apres que le ieune homme et sa femme qui est bien ieune ont bien prins de leurs plaissances elle deuient grosse et a l'aduanture ce ne sera pas de son mari que aduient souuent Lors entre en souffry et en tourment le poure mari car il court et trote pour querir a la dame ce que il lui fault Et sil chet en courant il se pourra bien afoier Et sera grant aduanture fil apporte viande qui plaist a la dame combien quil ait mis grant peine a la querir Et aduient que pour les viandes et pour les aises ou elle est que lapetit luy passe pource quelle est ennuye des viandes communes Si desire dauoir choses estranges et nouuelles pource en conuient auoir Et conuient que le poure homme trocte a pie ou a cheual de nuyt ou de iour pour en auoir En tel tourment est le poure homme sept ou huit moys que la dame ne fait que mignoter et se plaindre Et le poure homme pourte toute la charge de la maison de leuer matin et de choucher tard et de penser a son mesnage selon lestat de quoy il est Sy approche le temps de lenfantement et conuient quil ait comperes et commeres a lordonnance de la dame Or a il grant souffry de querir ce que il lui fault pour les commeres nourriffes et matrosnes qui seront pour garder la dicte dame tant comment elle sera en la couche et si beront de vin autant comment on

mectroit en vnes vielles botes Or double sa peine  
Or se voue la dame en sa douleur en plus de xx  
pelerinages Et auffi le poure homme se voue a  
tous saints Si viennent commeres de toutes pars  
Or conuient il que le bon homme quiere et que il  
face tant quil soient bien aises La dame et les  
commeres parlent et dient de bonnes choses et se  
tiennent bien aises quiconques ayt peine de le querir  
quelque temps quil face Et quant le mary fera  
dehors lune delles dira Helas mon compere a main-  
tenant male durte qui est dehors car il fait mal  
temps et lautre respont quil ny a force et quil est  
bien aise et sil aduient que il faille aucune chose  
qui leur plaife lune des commeres dira ma commere  
ie mesmerueille bien et sy font toutes mes comme-  
res qui cy font de vostre mary qui fait si petit conte  
de vous et de vostre enfant Or regardes quil en  
feroit se vous en auies eu cinq ou six Il appert  
quil ne vous ayme gueres Si lui fistes vous plus  
grant honneur de le prendre quil aduint oncques a  
nul de son lignage Par dieu se mon mary me fai-  
soit ainsi Jaimeroie mieulx quil neust oeil en teste  
Ma commere fait lautre nacoustumes pas a vous  
laisser ainsi mectre soubz le pie car il vous en feroit  
autant ou plus quant series autrefois acouchee Ma  
cousine fait lautre ie mesmerueille bien veu que  
vous estes sage femme et de bonne lignye et quil  
nest pas vostre pareil chascun le scet bien comment  
vous lui souffres Et il nous porte a toutes grant  
dommage Lors la dame respont et dit Vrayement  
mes cheres commeres ie ne scai quen faire ne com-  
ment men cheuir tant est mal homme Il est mal



homme dit lune delles voici mes commeres qui ycy font qui sceuent bien quant ie fus mariee auecques mon mari on disoit quil estoit si diuers et que il me tueroit Par dieu ma commere il est bien donte la mercy dieu car il aymeroit mieulx soy estre rompu vng bras que il meust dit desplayfir Mais au commencement il cuida commencer vne maniere de parler et de ferir Mais par le sacrement de dieu ie len garday bien et prins le frain aux dens tant quil men ferit vgne fois ou deux dont il fit que fol Car ien ay fait pis que deuant Et tant que ie scay bien que il a dit a ma commere quil ny pourroit plus mettre remede Je puis dire et faire quanques ie vueil mais la derniere parole me demourra soit tort soit droit Mais il ne est ieu que a ioueurs et ny a que faire Car mamy e ie vous iure quil ne est homme si eschars que sa femme ne face franc et de bonnaire selle est telle quelle ait aucun entendement en elle Gardes ma cousine fait lautre que vous lui songnes bien quant il fera venu Ainsi est gouuerne le pource homme et tousiours boyuent comme botes arses Elles prennent congie iusques a lendemain et venront veoir comme elle fera gouuernee Quant vient que le pource homme est venu de pouruoir vitailles ou autres choses a laduanture on fait grant degast du sien dont il est en grant souffi Il arriue vne heure ou deux de nuit pour ce quil vient de loing et a grant enuie de sauoir se la dame est bien saine et comment il lui va Or nose coucher hors de sa maison pour doubte de despendre Il entre a lostel en ioye Tous les seruiteurs et seruantes sont instruis a la poste de la

dame Car autrement ilz ny demourroyent point tant fussent il bons et leaux Et demande comment il lui va et la chamberiere qui la garde lui respont quelle est fort malade et que oncques puis quil partit ne menga mais elle est vng petit apaisee Lors croit la douleur a lome qui a lauanture estoit bien moullie et bien mal monte qui aduient souuent Et a lauanture il est fangeux car son cheual est foyble a passer vn mauuaiz pas Et par aduanture naura menge le bon homme de tout le iour mais encores ne mangera il iusques a tant que il sache de la dame comment il lui va Lors la nourrisse et les vielles matrones et seruantes qui sont instruites en leur mestier font bien leur personnage et font bien les courroucees Lors le bon home ne se peut tenir que il ne voise deuers elle et loyt plaindre bassement de lentre de la chambre et vient vers elle Et sacoude sur le lict deuant elle et lui demande Que faictes vous mamye Mon amy ce fait elle ie suis trop malade Et ou sentes vous le mal Mon ami fait elle vous sauez que ie suis bien foyble de piefca Mamie fait il que naues vous ordonne a vous faire vng coulis de chapon Ainsi maist dieu mon amy ilz me en ont fait mais ilz ne sceuent le faire Par ma foy ie vous en feray ou il ne touchera que vous et moy et en mengeres pour lamour de moy Je le vueil bien mon amy Lors le bon homme se met en voye et a cuissiner et sard a faire le brouet pour le garder de fumer Lors il tence ses gens et dit quilz ne font que bestes Adonc sen va atout son brouet Et le porte a la dame et lefforce et la prie quelle en prengne vne

partie pour lamour de lui Et elle dit que ce est  
 trefbon Et celui que les autres auoient fait ne  
 valoit rien Le bon homme sen va soupper on lui  
 apporte la viande qui nest pas seulement la viande  
 des commeres a laduanture des vielles matrosnes  
 quelles ont marche tout le iour Et boyuent dieu  
 scet comment Ainsi sen va coucher en tout souffry  
 Et quant vient lendemain deuers matin il lui dist  
 Mamye il est temps que vous releues et alles a la  
 messe Car nous faysons si grant despence que nostre  
 argent ne le pourroit porter Et la dame respont  
 Il ny a encores gueres que ie suy acouchee et ne  
 me pourroie encores soustenir ie croy quil vous  
 tarde bien que ie ne suis desia a besongner par la  
 mayson aprendre la peine qui ma tuee Helas ie  
 voy bien que ie auray beaucoup a souffrir au tempf  
 auenir Se iauoie eu x ou douze enfans que ia ne  
 fera se dieu plait Et plaie a dieu que ie nen aye  
 iames point et luy pleust quil eust fait son com-  
 mandement de moi mais sa volente soit faicte Haa  
 fait le bon home vous vous esmouues et sans cause  
 Nest ce pas voir Car par dieu iose bien dire que  
 oncques poure home de mon estat ne souffrit plus  
 que iay Or auant ie suis content que vous leues  
 quant il vous plaira Je conseille fait elle que on  
 aille dire a mes commeres quelles ne viengnent  
 point et que ie suis mal disposee Mamye fait il  
 elles vyendront et seront bien aydes Sire fait elle  
 laisses moy ester et en faictes ce que vous voudres  
 Lors vient vne des matrones qui garde la dame et  
 dit au preuxdomme Monseigneur ne lenfumes point  
 de paroles car il y a grant peril a vne femme qui



a le cerueau vuide et est foible et de petite corpulance Lors elle tire sa courtine Ainsy vit le bon homme en languissant tousiours et miserablement finira ses iours





**L**a quarte ioye de mariage sy est quant celui qui  
a este marie et a este en son mesnage et de-  
meure sept ou huyt ans et a six ou sept petis en-  
sans Et a passe tous les maux iours et males nuits  
et toutes les malleuretes dessusdictes Et dont il a eu  
maint mauuaiz bont et est sa ieunesse fort refroydee  
tant quil fust temps de soi repentir sil peust Car il est  
aussy mat du mesnage et si treflas que il ne lui en chault  
plus de femme ne quelle die ne quelle face Car  
il est aussy adure comme asne a laguillon Le pouure  
homme a vgne fille ou deux a marier et leur tarde  
leure Et sont es ieux Et a laduanture le bon homme  
na pas grant cheuance Car il fault aux filles ou  
autres enfans chausses pourpains et autres vitailles  
Et plusieurs autres choses Et mesmement les filles  
il fault tenir iolietement pour trois choses Lune  
pource quelles en seront plus tost demandeas de  
plusieurs galans Lautre si est que se le preuxdomme  
nen vouloit rien faire il nen feroit rien pour lui car  
la dame qui a passe par ycelle voye comme elles  
font ne le souffriroit pas Lautre si est pource que  
les filles ont le cuer bon et gay de leur coustume  
Et iamais ne seront autrement quelles ne soyent  
iolies Et a laduanture qui ne les tiendrait ilz trou-  
ueroient maniere dauoir leurs iolyuetes de quoy ie  
me taiz Et ainsi le bon homme est esbahy de tous  
les costes Et porte les grans charges qui fera a

laduanture mal habille et ne lui en chault mais quil viue et auffi lui souffit bien comme au poiffon qui est en la nasse qui auroit bon temps son le laiffast viure en languissant mais on lui abrege les iours Si fait on au poure homme qui est mis en la nasse de mesnage pour les tourmens que iay dis et autres innumerables Et pource lui voiant les charges et les choses que il a faire comme iay dit il ne lui chault mes quil viue et met tout a non chaloir comme vn cheual recreu ne fait compte des esperons ne de chose qui oncques lui fut faicte Ce non obstant il fault quil trote et aille dehors pour gouuerner sa terre selon lestat dont il est Il a a laduanture deux poures cheuaux ou vng ou nul maintenant sen va trente ou quarante lieues a vgne assise ou en parlement pour vne vielle cause qui a dure long temps Il a vnes botes qui ont trois ou quatre ans Et ont este apareillees par bas tant que ce qui souloit estre aux genoulx est au milieu de la iambe Il a vns esperons du temps au roy cloutaire dont lun na point de molete et vne robe de parement qui a bien dix ans mais il na acoustume de la porter si non aux bonnes festes et quant il alloit dehors Et est de vielle facon pource que depuis quelle est faicte il est venu dautres nouuelletes de robes Et quelques ieux ou instrumens quil voie il lui fouient tousiours de son mesnage Il vit pourement sur les chemins et les cheuaux mesmes sil en a et vng varlet tout desgarote qui a au coste vne vielle espee toute enroullie que son maistre gaigna en la bataille de flandres Il porte vnes vielles bouges ou le poure homme porte son harnoys de iambes a la

bataille Briefuement le bon homme fait le mieulx  
quil peut et a petis despens Car il a asses a la  
maison qui lui despent Et auffi est il plus empesche  
daduocas de sergens et de greffiers et sen vient le  
plus tost quil peut en sa maison Et a laduanture  
que leure est auffi pres du matin comme du soir  
et ne trouue que souper car la dame et tout son  
mesnage sont couches et le bon homme prent tout  
en pascience car il la bien acoustume Et sil ad-  
uiuent que le bon homme arriue de bonne heure  
fort las et trauaille et a le cuer pencif et charge et  
angoisseux de ses besongnes et cuide bien estre ar-  
riue combien que il a maintes fois eu auffi bien  
quil pense dauoir La dame tance et tempeste par  
la maison et sachez que quelque chose que le bon  
homme commande ou die les seruiteurs nen feront  
compte car ilz seront tous de la dame et les aura  
tous endoctrines Et pource il pert sa peine de  
riens commander sil ne plait a la dame Se le pource  
varlet qui a este avecques luy demande chose pour  
lui ou pour ses cheuaux il sera suspec et reboute  
et noufera rien dire Et auffy le bon homme qui  
est sage et ne veult point fayre de noise prent tout  
en pascience et dit Dame vraiment vous faictes  
bien des vostres et la dame respont vous aues plus  
perdu que vous ne gaingneres de deux ans Je  
vous auoie piefca bien dit de par tous les dyables  
que vous feiffies fermer nostre polallier la martre  
ma mengie trois de mes vielles gelines dont vous  
vous apercepures bien du dommage par dieu se  
vous viues vostre aage vous feres le plus pource  
homme de vostre lignage Belle dame ce fait il ne



me dictes point telles paroles dieu mercy iay affes  
et auray se dieu plait Et y a de bonnes gens en  
mon lignaige Ha voy fait elle en vostre lignage  
par sainte marie ie ne scay ou il font mais au  
moins ie nen voy gueres Par ma foy fait il dame  
il en y a de bons et qui vous valent bien Eulx  
fait elle quilz me valent Oy fait le pseudomme  
Par dieu fait elle vostre fait fust bien petit se ne  
fussent mes amis Et pour dieu belle dame laisses  
ester ces paroles Certes fait elle ilz vous respon-  
droient bien se vous leur parlies de cestes paroles  
Lors le bon homme se taist car a laduanture il a  
doubte quelle le die a ses parens Et adoncques  
se prent a plourer lun des petis enfans Et la dame  
le prent et bat trespas de bonnes verges par des-  
pit du bon homme plus que pour autre chose Lors  
dit le pseudomme Belle dame ne le bates plus  
et se cuide courroucer Et la dame commence a  
tencer et dit Ha de par tous les diables vous  
naues pas la peine de les gouuerner ne ilz ne vous  
coustent gueres et ie suis tous les iours apres que  
malle mort sy puist mettre Haa belle dame fait il  
cest trespas dit Hauoi mon seigneur ce fait la nour-  
rissage vous ne scauez pas la peine qui y est et quil  
nous fault endurer a les nourrir Par ma foy dit la  
chamberiere cest grant honte a vous Quant vous  
venes de dehors la maison deust estre ressiouye de  
vostre venue et vous ne faictes que noise et debat  
Et ainzy le bonhomme foy voiant acule de toutes  
pars et voit quil ny peut riens gagner sen va cou-  
cher sans souper et par auanture tout moullie et  
morfondue et sil soupe dieu scet comment il est aise

et quelle plaifance il a puis fen va coucher et oit  
toute la nuit les enfans crier Et la dame et la  
nourriffe les laiffent crier tout en efciant pour despit  
du poure homme Et ainfi paffe la nuyt en fouffy  
et en tourment et tient tout a ioye veu quil ne voul-  
droit pas autrement Pource y eft et demourra touf-  
lours et finira miferablement fes iours





**L**a quinte Joye de mariage sy est quant le bon homme est marie pour les grans trauaulx quil a endures et portes longuement est math et las et est sa ieunesse fort refroydee Et a laduanture il a femme de plus grant lygnye quil nest ou plus ieune quil nest qui sont deux grans choses Car nul homme ne se peut mieulx gaster que soy enueloper en ces deux lieux pour ce que ce sont deux repugnances quon veult acorder contre nature et contre droit Aulcunefois ilz ont des enfans et aulcunefois ilz nen ont point Ce non obstant la dame ne sen est pas tant donne de peine comme le bon homme qui moult trauaille a la tenir bien aise Et pour maintenir lestat quelle a tousiours voulu auoir iolyf et de grant coust et ny eust il que celle sy faut il quil aille auant Car elle ne veult point abaisser son lignage et son mary se tient pour tout honnore de ce que dieu lui fit la grace quil la peust auoir Et aduient souuent que quant ilz tencent ensemble elle luy dit par maniere de menaces que ses amis ne la lui baillarent pas pour la paillardir et que elle sceet bien dont elle est venue Et dit que quant elle voudra escrire a ses amis et cousins ilz la viendront tantost querir Et pource ne lui ose toucher de la main quoy que il die de bouche Ainsy est en grant seruage se me semble Et peut bien estre que les amis leussent bien mariee plus grandement

et plus haultement et ne leussent pas baillee au poure homme se ne fust vn petit eschapillon quelle fit en sa ieunesse par vne auanture qui lui aduint par chaude cole Dont le bon homme nauoit rien sceu ou a lauanture en auoit oi parler et dire aucune chose Mais le bon homme qui est fait a la bonne foy et du bon crefme oyt iurer a moult de bonnes gens que ce furent mauuaiz langages qui furent controuues et sans cause contre la bonne dame ou bourgoise comment de beaucoup dautres qui sont vituperees et blasmees a grant tort dieu le scet cest par ces iolis compaignons qui vont et viennent par ces ruel parlans des bonnes preudfemmes quant autre chose nen peuvent faire Si est ainsi que la bonne dame qui voit et regarde son mari qui a delaisse tout esbat et toute ioye et pense a acquerir cheuance ou terre ou a laduanture il a grant cheuance et est chiche a la mise qui nest pas chose plaifante a la dame pource quelle veult souuent auoir nouuelletes selon le temps tant en robes faintures atours ou autres choses ainsi quelle voit ses compaignes ou elle va aux dances ou aux festes avec ses cousines et avecques ses commeres Et avec vng qui se dit son cousin et a lauanture il ne lui est rien Et aduient aucunesfois pour les grans aises ou elle est et quelle oyt et voit dire moult de bonnes choses elle met en mesprison son mary et fait vng amy tel que bon lui semble Et par ainfy elle ne aymera iamais son mary Car son mari est tant auaricieux et plain de pensees et elle nest pas entree en telle auarice ou il est Et est en sa ieunesse laquelle elle veult employer en plaifances et



delectacions Si va fouuent la ou elle scet trouuer son amy qui est fres et ioly Et aucuneffois il aduient fouuent quelle ne la peu veoir a son honneur mais elle a eu messages quelle le doit veoir a certaine heure Et apres ce quant vient au soir que le bon homme est couche et se veult vng petit esbatre avecques sa femme Et elle a qui il fouiendra du gentil galant son amy quil y a huit iours ou plus que elle ne le vit Et doibt venir demain tout enrage et tout affame Car a l'aduanture il a langy et veille par rues et iardins par longtemps que ilz nont peu parler ensemble et pour ceste cause quant il pourra demain y aduenir il sera chault et merueilleux tant pour l'appetit que pour la haste que il aura Et peut estre aussi quilz seront bien de loisir lung et lautre pour faire les plaisirs que homme pourroit penser Et scaches quelle fait cent choses a son amy Et monstre des tours damours Et fait plusieurs petites melencolies quelle ne feroit pas a son mary et aussi son amy lui fera tous les plaisirs que il pourra Et lui fera maintes fredaines ou elle prendra grant plaisir ce que nulz maris ne scauroient faire et si le sceuent bien faire auant quilz soient maries Si la oublie pource quil le met a non chaloir Et aussi il ne le voudroit pas faire Car il lui sembleroit quil ly apprendroit ce quelle scet mieulx que lui Quant la dame si a amy a sa plaifance et ilz se peuent trouuer ensemble ilz se font tant de ioyes et de plaisirs ensemble que nul ne le pourroit dire Et tant que le fait du mari nest rien prise Apres lesquels plaisirs la dame prent autant desbat et de plaisirs de son mary comment

vng bon tasseur de vin feroit dung petit vin rippope  
 apres vn bon vin ou apres vn bon ypocras Car  
 quant aucunefois vng bon beueur qui a grant soif  
 et boit dun petit vin rippope ou enfuste Et pour  
 la grant soif que il a il le trouue asses bon en le  
 beuant mais quant il la beu il trouue vng mauuais  
 remors Et qui en voudroit encores trayre il nen  
 voudroit plus sinon en deffaulte daultre meilleur  
 Ainfi sachez que la dame qui a son amy a son desir  
 en neceffite a la requeste de son mari en prent  
 aucunefois pour passer temps Et pour ce quant il  
 en veult et sa femme non elle dit Mon amy layffes  
 moy ester et actendes deuers matin Certes mamye  
 non feray tournez vous vers moy Par dieu mon  
 ami vous me feries grant plaisir se vous actendies  
 iusques au matin Lors se tourne le bon homme  
 qui ne lui ose toucher Et se tient en paix iusques  
 au matin Lors la dame qui a pense a son amy  
 Et a intencion de le veoir demain qui ne est pas  
 tout vng dit a foy mesmes quil ny touchera ia le  
 matin Et pource bien matin se lyeue et puis fait  
 semblant de estre bonne mesnagiere Et le laisse  
 dormir Et a laduanture aura bien tous les desirs  
 et ioyes avecques son amy auant que son mari soit  
 leue Et apres ce elle fait trop bien le mesnage  
 Aucunefois il aduient quelle ne se lieue pas et que  
 elle se plaint des deuant iour et mignote Et le  
 bon homme lui demande Quauiez vous mamie  
 Vrayement fait elle ie ay fi grant mal au coste ou  
 au ventre que cest merueille Je cuide que cest le  
 mal que iay acoustume dauoir Mamye fait il tour-  
 nez vous deuers moy Par dieu mon amy fait elle

ie suis auffi chaude comme le feu et nay oncques  
peu dormir Lors le bon homme lacolle et trouue  
quelle est bien chaulde Voire mais cest dautre  
maladie quelle ne dit Car elle a songie par aduan-  
ture que elle estoit avecques son amy et pource  
est elle ainsi chaude Lors le bon homme la couure  
bien que point de vent ny entre pour lui faire boyre  
sa sueur Et luy dist Mamie tenes vous bien en  
vostre sueur Et ie feray bien faire la besongne  
Lors le bon homme se lieue sans feu a lauanture  
et sans chandelle et quant il est le temps quelle se  
lieue il lui fait faire du feu et la dame se dort a son  
aise et sen rit tout par elle Vne autre fois le bon  
homme si se veult esbatre avecques elle qui sest  
excusee plusieurs fois comme iay dit deuant En-  
cores trouera maniere deschaper Car elle ne prise  
riens son faict Et le bon homme en a grant besoing  
et lacolle et baise Et dieu scet comme elle en est  
aise sil est ainsi quelle soit telle comme dit est de-  
uant Lors dit ainsy Pleust a dieu mon ami que  
vous ne le sissiez iamais tant que ie vous en requisse  
premierement et comment fait il ne le feries vous  
point Par mon ame ie cuide que non et a mon  
aduis ien vouldroie mieux Et se ieusse sceu ce  
auant que ie fusse mariee ie ne leusse iamais este  
Et quoy dia fait il pourquoi vous mariastes vous  
donques Par mon ame mon amy ie ne scay Je  
estois ieune fille et faisoie ce que mon pere et ma  
mere me disoient Et combien quelle dist a laduan-  
ture en auoit elle bien taste deuant Quest ce a dire  
fait le bon homme ie ne vous trouuay iamais de ma  
vie sinon en ceste oppinion Je ne scay par mon

ame fait elle mon amy se ce nestoit pour faire vostre plaisir ie nen vouldroie point Le bon homme est bien ayse et dit a soy mesmes quelle est ainfi froyde femme Et quil ne lui en chault et a laduanture elle est femme blanche et de petite complexion parquoy il le croit mieux Lors il la baïse et lembraße et lui fait ce que lui plaist Et la dame a qui il souuoient bien dautres choses voulsit bien estre ailleurs Et luy laisse fayre et se tient pesamment et ne se aide de rien mais ne se hobe ne que feroit vne pierre ou vne pieſce de boys Le bon homme se peine fort qui est lort et pesant Et ne se ſcet pas bien aider comment dautres feroient bien La dame tourne vng peu ſa chiere a coſte Car ce ne est pas le bon yppocras quelle a autrefois eu et pource quil lui ennuye ſi dit Mon amy vous maſſoles toute et auſſi mon amy vous en vauldres mains Le bon homme se tient le plus cherelement quil peut quil ne lui face mal et y met bien longuement Mais il en eſchape a quelque peine et craint bien a soy y mettre vne autre fois tant pour ſa peine que pour doſte de faire deſplaiſir a la dame Car il croit que elle nen veult point Si le met en telle dance quil croit quelle ſoit de foyble complexion pour ce que a lauanture elle est deſcoulouree et pource le croit il mieulx Mais ſil aduient que ceſte dame veuille auoir robe ou autre choſe de ſon mary elle ſcet bien ſa condition Et ſcet bien quant il ſera temps de beſongner Et aduiſe en ſoy meſmes de le tromper pour auer ce quelle veult demander Quant ilz ſont tous ſeules en leur chambre en delices et plaiſirs Et la dame voit bien que il a aſaire delle elle lui fait ſi bonne



chere que ce est merueilles Car femme qui est bien aprise fait mille choses nouvelles de faire bonne chiere a qui elle veult Et en ce fayfant le bon homme est bien aise Car il na pas acoustume de auoir bonne chiere Lors l'acolle et le baïse et le bon homme lui dit en ceste maniere Vrayement mamye ie cuide que vous me voules demander aucune chose Par dieu mon amy fait elle ie ne veul riens fors que vous me faces bonne chere pleust ores a dieu que ie neusse autre paradis fors estre tousiours entre voz deux bras par dieu ie nen voudroie point dautre Vrayement mon amy ainſy me veuille dieu aider que ma bouche ne toucha ne ne touchera fors a la vostre et a voz couſins et es miens et quant vous le commandes Mais ie croi quil nest homme au monde ſi doux ne ſi gracieux que vous estes Mamie fait il ſi estoit vng tel eſcuyer qui cuida estre vostre mari Par dieu fait elle quant ie vous eus veu vne fois ſi vous vis ie bien de loing et ne fis que vous entreveoir Mais ie neusse iamays prins autre et eust este le dauphin de viennoys Je croy que dieu le vouloit ainſi Car mon pere et ma mere me cuiderent bien faire acorder a vng tel Mais iamais ie ne leusse fait Et me eust on deu tuer Et ne ſcay que cest car ie croi quil estoit ainſi deſtine Lors fait ſes plaifirs a la dame et elle ſe rent affes habile et apres ce dit au bon homme Mon amy fait elle ſaues vous bien que ie vous vueil demander Je vous en prie mon amy ne le me refuses pas Non feray ie ce fait le bon homme par ma foy ſe cest chose que ie puiſſe faire Mon ami fait elle la femme dun tel a vne robe fourre de menu



ver ie vous prie que ien aye vne Par mon ame ie ne le di pas pour enuie destre iolye mais pource quil me est aduis que vous estes auffi bien a la value de me tenir honnestement et plus que nest son mary et que elle nest pas a acomparer a ma personne Je ne le dis pas pour moy louer Mais par dieu ie le faiz plus pource que elle sen tient orgueilleuse que pour autre chose Lors le bon homme qui a laduanture est aduaricieux ou pense quelle a affes robes pense vng pou et dit Mamye fait il naues vous pas affes robes Par dieu ce fait elle mon ami ouy mais se iestoie vestue dun buriau ie nen tien compte mais cest honte Ne vous chaille mamie laissez les parler nous nempruntons rien deulx Par dieu vous dites voir mais ie ne semble que vne chamberiere aupres delles Non fais ie pas aupres de ma seur Et si ie suis la plus ainee delle qui est vne laide chose A laduanture le bon homme luy adconuancera ce que elle demande qui nest que son dommaige Car quant elle aura ce quelle a demande et que elle fera bien iolye elle en fera plus preste de aller aux dances et aux festes qui se feront Et ny aura le bon homme nul prouffit Elle se fardera a laduanture et se gouuernera petite-ment si que on ne le cuideroit iamais Et se la robe ne lui plait saches quelle a vng amy mais a lau-anture il ne est pas fort riche et quil est vng galant a qui elle tient son estat Et pource elle aduifera vng autre galant qui lui vouloit lautre iour donner vng bel dyamant a vne feste ou elle fut Et lui enuoia par sa chamberiere xx ou xxx escu dor ou plus mais elle ne les vouloit point si tost prendre Et combien quelle

lauoit fort refuse elle lui fera vng gracieux regart par lequel le gentil galant parlera encore a la chamberiere de la dame quil rencontrera en allant a la fontaine ou ailleurs et lui dira Jehanne mamye iay a parler a vous Sire ce fait elle quant il vous plaira Mamye fait il vous sauez bien lamour que iai en vostre maistresse Je vous prie que me dictes s'elle parla oncques puif de moy Par ma foy fait la chamberiere elle nen dit que tout bien et scay bien quelle ne vous veult point de mal Iehanne mamie fait il souuiengne vous de moy et me recommandes a elle et par ma foy vous aures vne robe et veefcy que ie vous donne Certes fait la chamberiere laquelle voudroit desia tenir ce que il lui presente Je ne le prendray point Par dieu fait il iehanne si feres et vous prie que demain iaie de vous nouuelles La chamberiere sen va et dit a la dame Par ma foy iay troue gens qui sont en bon point Et quelles gens sont ce dit la dame Cest tel que vous scaues bien Par ma foy ma dame il est en bon point iufques a lautre affise car il a les fleurs blanches et est en tel point quil ne scet quil fait Par dieu fait la dame il est bel home et gracieux Vrayement dit la chamberiere vous dictes voir le plus bel que ie voie et le plus riche et bien taille damer loialement et feroit affes de biens a la dame Par dieu dit la dame iehanne ie ne puis rien auoir de mon mari mais il fait que fol fil me hait Par dieu iehanne iayme tant celui de piefca que mon cuer ne se pourroit adonner a autre Par mon ferment cest grant folie que de mettre samour en homme du monde Car ilz ne sont comte des pures femmes

quant ilz sont seigneurs delles tant sont traictres  
Et le galant vient dautre part qui parle a la cham-  
beriere Et luy dit en ceste maniere Jehanne mamie  
fait il a ioinctes mains ie vous prie humblement  
que vous faces bien ma besongne Et par ma foy  
vous feres ma maistresse a iames Par mon serment  
fait elle se ie puis ie lui en parleray pour lamour  
de vous Et par ma foy oncques mais de telle chose  
ie ne me meflay Helas mamie conseilles moy que  
ie feray Par mon serment fait elle le meillieur sera  
que vous parlez a elle et est la chose bien venue  
a point Car son mari la refusee dune robe que elle  
lui auoit demandee dont elle est bien courroucee  
Je conseille que vous soies demain a lesglise et la  
salues et lui dictes vostre fait et lui presentes ce  
que luy vouldres donner combien quelle nen prendra  
rien mais elle vous en prifera mieulx et verra vostre  
largeffe Helas mamie iaymasse mieulx que elle print  
ce que ie lui baleray Par ma foy faict elle elle ne  
le pendra pas mais ie vous diray que lui pourres  
faire apres ce que vous lui aures offert ce que  
vous lui vouldres donner et quelle laura reffuse  
vous le me bailleres et ie ferai tant au moins se ie  
puis quelle le prendra Vrayement iehanne vous  
dictes trefbien Ma dame fait la chamberiere il y  
a long temps quil ne furent a leur aise Et quoi  
fait la dame ce que vous saues fait la chamberiere  
Comment fait la dame Certes il parlera a vous  
demain a lesglise et vous comptera sa besongne  
Gouuernes vous sagement et lui faictes lestrange  
Touteffoys ne lestranges pas tant tenes le entredeux  
et en bonne esperance Or va la dame lendemain

a lesglife et le galant y est paffees a trois heures en bonne deuocion dieu le fcet Il se tient en lieu ou il lui puiſſe donner de leaue benoicte ou honte lui feroit et aux autres femmes qui ſont avecqueſ elle et celles len mercient Mais le pouure homme leur feroit bien plus grant ſeruice ſil pouuoit Il a aduiſe que la dame eſt demouree ſeulete a ſon banc qui dit ſes heures et ſe contient doucement comme vne ymage Et dieu ſcet ſelle eſt bien trecee proprement a ſon pouoir Il ſaproche d'elle et parlent enſemble Mais elle ne lui veut rien dire et ne veut rien prendre de lui Mais lui reſpont tellement quil congnoit quelle layme bien et quelle ne craint que deſhonneur dont il eſt bien aife Il depart de la dame et de la chamberiere Lors entreront en leur colacion et concluent de leur beſongne et dit la chamberiere Je ſcay bien ma dame quil a grant enuye de parler a moy Mais ie lui diray que vous ne lui voulez riens faire de quoy ie ſuis bien marrie tant ay grant pitie de lui et lui diray que monſieur eſt alle dehors Et quil viengne deuers le ſoir Et ie le mectray en vouſtre chambre ainſy comme ſe vous nen ſcauies rien Et ſi feray ſemblant deſtre marrie afin quil vous en prie mieulx Et puis apres demourra plus largement mais ie auray deuers moy ce que il vous voudra donner Car il me le doit bailler demain Et ie lui diray que vouſ ne laues voulu prendre et puis que ainſi eſt que la choſe eſt faicte que il vous donne pour auoir vne robe et vouſ me blameres fort deuant luy dont ie lay retenu Et pourquoi ie ne lui auoie rendu Mais quoy que ce ſoit ie mectray la choſe



seure Car par dieu ma dame il en y a de si ruses  
quilz en ont trompe mainctes Or auant iehanne  
faictes ce que vous voudres Lors sen va le galant  
qui lui demande quelles nouuelles de sa dame Par  
dieu fait elle ie lay trouee a recommencer Mais  
pour ce que ie men suis meslee ie vous diray bien  
que vous feres Vous vous en viendres encores a  
cest soir mais iay paour que elle men acuse a son  
mary ou a ses amis Je scai bien que s'elle vouloit  
prendre ce que vous lui voules donner que vostre  
besongne fust faicte tantost Et par dieu ie me es-  
saieray encores de lui faire prendre car il est bien  
a point Car son mari est dehors et la refusee dune  
robe dont elle a si grant enuie que cest merueille  
Lors le galant lui baille xx ou trente escus et ie-  
hanne lui dit Voycy que iay aduise Par dieu sire  
vous estes homme de bien Et ne scay qui ma  
troublee par mon serment ie ne fis oncques pour  
homme ce que iay fait pour vous Et fauez le grant  
peril et danger ou ie me mettz Car fil en estoit  
sceu vgne seule parole il seroit fait de moy mais  
pource que iai en vous parfaicte fiance ie vous  
feray vne chose Je me mettray a laduanture Je  
scay bien quelle vous ayme bien Et pour ce que  
mon seigneur est dehors vous viendres encores en-  
nuict a douze heures bien secretement et ie vous  
mettray en sa chambre Elle dort tousiours bien  
fort car ce nest que vng enfant Et vous vous cou-  
cheres avec elle Car autre remede ie ny voy Et  
a laduanture vostre besongne sera bien Car quant  
vng homme est nu a nu avec vne femme sans autre  
chouse pour voir cest grant chose car elle fait



estrange responce de iour quelle ne fera pas a celle  
heure en tel cas Ha iehanne mamie fait le galant  
il ne fera iames que vos nayas maille a mon denier  
Quant vient la nuyt le galant vient ainly comme  
iehanne lui auoit ordonne qui a bien tout deuise a  
sa dame secretement Et adoncques quant le galant  
est venu la dame fait semblant de dormir Et le  
galant la veult embrasser Et elle treffault et dit qui  
esse la Mamie fait il ce est moy A par le sacre-  
ment de dieu il ne yra pas ainfi Elle se cuyde  
leuer et appeller iehanne qui ne sonne mot et elle  
dit Haa ie suis trahye Lors bataillent ensemble  
par maintes manieres et se courrouce Et a la fin  
la poure femme nen peut plus Et entre en la grosse  
alaisne Et sabetse forment qui est grant pitie car  
cest pou de chose digne femme seulle Et se neust  
este de paour de defhonneur elle eust bien crie  
plus hautement quelle ne fit et vault mieulx de sen  
tayre puis que ainfi est Ilz acordent leur vielle et  
leur chlemeaux et entreprennent de eulx donner  
bon temps Ainfi se font les besongnes au mari qui  
est bien apoint Or a la dame la robe que son mary  
ne luy a pas voulu donner qui lui couste et coustera  
bien cher Or fait tant la dame que sa mere lui  
donne le drap deuant son mary pour oster toutes  
suspicions et doubtes quil pourroit auoir Et auffi  
la dame a fait acroyre a sa mere que elle a achepte  
le drap de ses menues besongnes quelle a vendues  
sans ce que son mary en ait rien sceu ou a laduan-  
ture le scet bien et ce aduient bien souant Apres  
ceste robe cy en vient vne aultre Cest a dire quil  
fault que la dame en ayt vne autre et deux ou trois

fainctures d'argent ou autres choses pourquoy le mari qui est malicieux et auaricieux comme iai deuant dit se doubte ou a veu aucune chose qui ne luy plait pas ou lui en a este parle daucune personne son ami car au long aller il fault que il soit sceu Lors il entre en la rage de ialousie maintenant se met en aiguet Maintenant fait semblant daller dehors Et vient de nuit subitement pour cuider surprendre les gens Mais il ne est pas ainsi aise a faire Maintenant se caiche en sa chambre Et a lauanture voit beaucoup de choses dont il se tempeste et elle replicque bien Car elle se sent bien rusee et de bonne lygnee Et lui remembre bien souuent ses amis qui aucune fois lui en parlent Or sont en riote et le bon homme naura iames ioye Il sera doresnauant serui de menfonges et le fera len paistre Sa cheuance se diminuera Son pouure corps seichera Il en laiffra ses besongnes a faire Briefuement iames bien naura Et ainsi demourra en la nasse ou il prent toutes ces penes dessusdictes pour ioyes Car fil ny estoit il ne cesseroit iames iusques a tant quil fust dedens boutte au plus parfond Et ne voudroit pas quil fust autrement Ainsy le bon poure homme viura en grant chetiuete et en languissant tousiours Et si fera ennasse et en la nasse bien fort embarre et miserablement finira ses iours





**L**A fixte ioye de mariage si est quant celuy qui est marie a endure toutes les peines et les traualx que iay declares ci deffus ou aucune dicelles Et par especial il a femme de fauce et diuerse condicion Et son mari est vng bon homme qui a trefgrant amitie avec elle Et lui fait tous les plaisirs quil peut Et ia soit ce quelle soit preude femme elle met toute son entencion destre maistresse et de fauoir des besongnes de son mari et fust il ores president et sen veult entremectre et faire responce aulcunefois se mestier est Toute condicion de la femme et dautres Leur nature est telle quelque mari quelle ait Et ia soit ce quelle est bien aise et ne luy fault rien elle met tousiours son entencion de mectre son mari en aulcun soing et pensees Et aucunefois aduient que le mari et la femme en leur chambre toute vne nuit et demi iour deuers matin font en toutes ioies et le mary la baïse et sapareille ioieusement et font bonne chere Et sen va faire aprestre a disner et penser de ses besongnes par la maison Et quant il est temps de disner il appelle la dame mais vne des seruantes ou vng des enfans vient dire que elle ne disnera point Allez lui dire fait le bon homme quelle viengne Lors sen va la seruante ou lenfant et lui dist Mon seigneur vous mande que vous viengnes diner Car il ne mengera iusques vous soies venue Va lui dire que ie ne disneray point

Lors on lui fait la responce Et le bon homme vient a elle et lui dit mamie fait il quauel vous et elle ne sonne mot Et le bon home vient et enquierit quelle a et sen esbahit fort combien que il ait aucune fois veu iouer le personnage Mais pour enqueste quil face il nen aura autre chose et en effect elle na riens mais se ioue ainsi et a laduanture ne voudra point disner pour chose quil puisse faire Aucunefois il fait tant quil lemmaine par deffouz lesfelle comme vne espousee et sen vont disner Et est la viande toute froyde tant la fait actendre Et encores fera telles manieres et contenance Car aucunement ne mangera ne lui aussi Car il est si beste que il sen donne mal aise et de tant que il laura plus chere et de tant lui fera plus de melencolies pour lui donner souffi et fait tresbien Car vne femme na que faire de acquerir la grace dun homme qui layme grandement et qui lui fait tous les plaisirs quil peut Mais elle doit bien faire compte dacquerir lamour de celui qui ne tient comte delle par belles chieres Par semblans et lui semble que elle fait beau fait quant elle fait son mari plainde souffi et de penrees il aduient aucunefois que le seigneur va dehors a ses besongnes et a ses affaires et maine vng ou deux ses amys avecques lui en sa maison pource quil a afaire deux ou ont congnoissance a foy Et aduient aucunefois que quant il est dehors comme dit est il enuoye le varlet premier deuers la femme en la priant que face tresbien appareiller pour faire bonne chere a ses amis quil a amenes avec foy Car il leur est fort tenu et a afaire deulx en la priant aussi que face aprester



des viandes tant que soient bien aises Le varlet  
arriue deuers sa femme et la salue et dit Ma dame  
fait il monffieur vient icy au giste et viennent avec-  
ques lui deux hommes destat en vous priant que  
vous faces bien aprester au soupper Et la dame  
lui respont Je nay que faire de ces festes Que  
ny est il venu lui mesmes Je ne scay ma dame il  
ma ainfy dit ce dit le seruiteur Dieux dit elle tu  
es vn mauuais garson Lors le varlet se taist et la  
dame sen entre en vgne chambre Et est telle qui  
ne fait autre chose Et qui pis est enuoye tous ses  
seruiteurs les vngs deca les aultres dela et les filles  
felle en a ou les chamberieres qui demorent a lostel  
font bien aprises quelles doyuent dire au bon homme  
quant il sera venu Or sen vient le bon homme le  
premier et appelle vne des filles ou des chambe-  
rieres Lors demande le bon homme se tout est  
apreste Par ma foy ce fait elle monseigneur ma  
dame est malade et ny a rien fait Le bon homme  
est bien courrouce et mainne ses amis en la salle  
ou ailleurs selon lestat dont ilz sont et nya rien  
prest Ne demandes pas sil est bien aise Car a  
laduanture ses amis quil a amenes virent bien quant  
il enuoia son varlet deuant dont ilz peuent noter  
que tout ce que le seigneur demande ou commande  
nest pas arrest de parlement Le bon homme sonne  
et appelle ses gens mais a laduanture il ne trouue  
que vn pource varlet ou vne pource chamberiere qui  
ne peut riens faire Il vient a la chambre de la  
dame et lui dit Que nauez vous fait ce que iauoie  
mande Sire fait elle vous commandes tant de choses  
quon ne scet auquel entendre Sainte marie en foi



gratant la teste Vous me faictes le plus mal du monde veezcy les gens a qui ie suis plus tenu quen puis ie mais ce fait la femme ne que voules vous que ien face Nous auions bien a faire maintenant de voz coufins Par ma foy il pert bien que vous nestes pas sage mais au fort faictes en a vostre guise car il ne men chault Je vous demande belle dame Pourquoi auez vous enuoie les varles dehors et sauois ie bien fait elle que vous en euffies a fayre combien que elle les ait enuoies tout en effyant et par despit du bon homme Lors lui qui veult entendre a supplier a la faulte laiffe les paroles et sen va bien dolent car il aymast mieulx a lauanture telles gens pouoient ilz estre auoir perdu cent escus dor mais a la dame ne chault de tout ce Elle le congnoit bien il ne la mordra ia car elle la autrefois veu Briefuement il tourne par la maison et ralie ce quil trouue de ses genf et fait tout le mieux quil peut Or demande le bon homme des toailles ouurees et blanches mais on lui respont quil ne en peut point auoir Il va deuers la dame Et luy dit que les seigneurs qui sont ses parens lont bien fort demandee Si la prie moult doulcement quelle vienne les festoier et faire bonne chere Et certes ce fait elle sire ie nyray point ilz sont trop grans maistres ilz ne priferoient rien pouures femmes Lors a lauanture elle yra mais felle y va elle fera telle contenance quil vaulfit mieulx quelle ny entraist ia car ses amis congnoissent bien la maniere et que gaires ne lui plaist leur venue Et se elle ny vient il demande des touailles blanches Des toailles fait elle Il en y a de belles et de

bonnes et pour plus grant maistres quilz ne font  
et daussy bon lieu comme ilz font ilz ne en auront  
nulles autres Et aussy toutes les autres font en la  
buee non pourtant ie ne le dis pas pour les tou-  
ailles mais aussi ay ie perdu les clefs desuy matin  
vees la chamberiere qui les quiert en celle paille  
de lict car ie ne scay que ien ay fait pour ce que  
iay tant a faire que ie ne scai auquel courre et en  
ay la teste toute rompue Vrayement fait il ie suis  
bien trompe Et vraiment ie rompray les coffres  
Par ma foy fait elle vous feres vne belle chose Je men  
actens a vous Et voudroie que vous les eussies  
desia despeffies gastes Lors il ne scet que faire et  
sapaife a ce quil trouue et cuyde que elle die voir  
ilz vont a table Or conuient il auoir du vin fres  
dune playne pipe Car celui qui est en despence  
nest pas assez bon On ne peut Car la dame ne  
le veult pas et ny a fourmage ne autre chose  
mais conuient a lauanture en aller querir cheux les  
voisins Le page du bon homme est avec les pages  
des autres voisins en lestable Et leur compte com-  
ment la dame si fait la malade tant est courroucee  
de ce que leurs maistres sont venus Or saprouche  
le temps daller coucher et ne peut auoir le bon  
homme de linceux blancs pour les clefs qui sont  
perdues ne naura oreiller ne courecher et faut quilz  
couchent en linceux commun Et sen vont le matin  
les amis qui ont bien congneu la contenance de la  
dame Et leur varlet leur comptent sur le chemin ce  
que le page du bon homme leur auoit conte Si sen  
rient en cheuauchant Et toutefois ilz ne sont pas  
bien content et dient quilz ny entreront mes de

pieſce et vauſit mieulx auoir perdu au bon homme  
beaucoup du ſien qui les auoit amenes Quant vient  
au matin il veult parler a la dame et lui dit Vraye-  
ment dame ie me eſmerueille de voſtre maniere  
Ne ie ne me ſcauroye gouuerner avec vous Aue  
maria fait la dame y a il tant afaire a moi Je ne  
ſine tous les iours de nourrir porcs pourceaux et  
canes Et ie filles et trauailles et fais tout le mieulx  
que ie puis et encore ne puis ie auoir vne ſeulle  
heure de bon repos et vous ne trauailles ſinon a  
deſpendre et degaſter tout et a gens dequoy ie nay  
que faire Que faire fait il ce ſont gens qui nous  
peuent bien aider ou nuire Lors ſouuient au bon  
homme que quant vng iolis galant y va il ny a riens  
eſpargne et touteſſois le bon homme lui a dit quil  
ne veult point quelle latire en ſa maiſon car il nya  
que faire Et elle reſpont ie ly ferai venir Adonc  
commence la noiſe Le bon homme dit de quoy il  
fait que fol Par le ſacrement de dieu ſe ie ly trouue  
et quil parle a vous ie vous feray la plus cour-  
roucee que vous fuſtes oncques Par ma foy fait  
elle il ne men chault ſil eſtoit pendu mais ainſi eſt  
que qui ne peche ſi encourt Se ie fuſſe femme  
qui ſe gouuernaſt mauuaifement ie ne men eſbahiffe  
pas tant et fiſſe mieux que ie ne fais Or ſont en  
noiſe et a lauanture par malice de lui ou d'elle il  
ſont vne grant pieſce ſans coucher enſemble Et  
ce eſt ce quelle demande car a laduanture leſcuyer  
dont il parle y viendra la nuit par luy de derriere  
ou montera par vne fenestre Apres conuyent que  
la choſe ſapayſe Et conuyent que le bon homme  
comence la paix et la flate Car la femme veult

lauoit fort refuse elle lui fera vng gracieux regart par lequel le gentil galant parlera encore a la chamberiere de la dame quil rencontrera en allant a la fontaine ou ailleurs et lui dira Jehanne mamye iay a parler a vous Sire ce fait elle quant il vous plaira Mamye fait il vous fauez bien lamour que iai en vostre maistresse Je vous prie que me dictes s'elle parla oncques puis de moy Par ma foy fait la chamberiere elle nen dit que tout bien et scay bien quelle ne vous veult point de mal Iehanne mamie fait il souuiengne vous de moy et me recommandes a elle et par ma foy vous aures vne robe et veefcy que ie vous donne Certes fait la chamberiere laquelle voudroit desia tenir ce que il lui presente Je ne le prendray point Par dieu fait il iehanne si feres et vous prie que demain iaie de vous nouvelles La chamberiere sen va et dit a la dame Par ma foy iay troue gens qui sont en bon point Et quelles gens sont ce dit la dame Cest tel que vous scaues bien Par ma foy ma dame il est en bon point iufques a lautre assise car il a les fleurs blanches et est en tel point quil ne scet quil fait Par dieu fait la dame il est bel home et gracieux Vrayement dit la chamberiere vous dictes voir le plus bel que ie voie et le plus riche et bien taille damer loialement et feroit asses de biens a la dame Par dieu dit la dame iehanne ie ne puis rien auoir de mon mari mais il fait que fol fil me hait Par dieu iehanne iayme tant celui de piefca que mon cuer ne se pourroit adonner a autre Par mon serment cest grant folie que de mettre samour en homme du monde Car ilz ne sont comte des pources femmes





**L**a septieme ioie de mariage sy est que aucune fois cil qui est marie troue vgne femme bonne galeise qui ne refuseroit iames raison quant on la lui offre mais sachez combien quelle soit preude-femme ou autre Il y a vne rigle generale en mariage que chascun si croit et tient que le mari est le plus meschant et le moins puissant quant au regart du mestier secret que tous les autres du monde Et auient souuent que quant le ieune homme est vert et recroquille se marie a vne fille bonne et preude qui prennent des plaisirs ensemble tant que cest merueille Et tout ce quilz en peuent prendre par vng ou deux ou trois ans ou plus quilz refroidissent leur ieunesse mais la femme ne se degaste pas si tost comme lomme de quelque maniere quelle soit pource que la femme ne prent pas tant de peines et de souffis que fait le bon homme Et se ilz ne faisoient ores riens sinon foulacier et iouer si feroit lomme plus tost gaste quant a ce mestier Il est vray quant la femme porte enfans tant que elle est grosse et empeschee a lenfantement a grant peine et grant douleur Mais tout ce ne est rien a comter a vn soucy que vng homme raisonnable prent des pensees parfondes pour aucunes choses quil a a faire Et quant de la peine et de langoisse de lenfantement ne men merueille non plus que de vgne oye qui met hors de soy vng gros oeuf comment le



poing par vn petit pertuis ou par deuant ne penſies  
mectre voſtre petit doſ Et auſſi eſt grant choſe a  
nature de faire de lun comme de lautre Et ſi verres  
touſiours vne geline ponnant tous les iours plus  
grace beaucoup que vng poulet car le poulet eſt ſi  
beſte quil ne penſe et ne fait tous les iours que  
amaſſer vitailles pour elles et leur baille a la bouche  
et la geline ne ſe eſmaie que de menger et ſe tient  
bien aïſe Et ainſi le ſont les preudomes maries  
qui en ſont bien eſbloues Et apres aduient ſans  
faillir que lomme eſt fort vſe et eſtrye qui touſiours  
a peines et trauaux et ſouffry Et touſiours penſe  
ailleurs Il ne ſaplicque plus a tel eſbat ou bien  
pou ſe ce ne eſt pour complaire a ſa femme comme  
il ſouloit Et auſſi ne le pourroit il faire et ſe laſſe  
de tout en celui cas Et la femme ne ſen laſſe point  
mais eſt en celui meſtier auſſi chaulde quelle fut  
oncques Et pour ce que ſa liuree ſi ſe diminue  
chascun iour pour les delictz et plaifances du mary  
tout tourne en noyſe et en riotte Et ainſi com-  
ment ſa liuree diminue petit a petit ilz ſe commen-  
cent a rechigner quant la liuree ne ſouffit pas a la  
dame poſe ores que ſoit preudefemme et que elle  
na nulle volente de mal faire ſi ne laiſſe elle paſ a  
croire que ſon mary ne ſoit de moindre pouoir que  
les autres et a meilleur raiſon de le croire pource  
quelle ne effaya oncques dautre que de lui et il ne  
lui ſouffit pas Car par raiſon vn homme doit ſouf-  
fire a vne femme ainſi comme dieu et leſglife lont  
ordonne et ordonnerent que chascune en euſt vng  
Et aucunesfois ſe mectent a laduanture de eſſaier  
ſe les aultres ſont dauſſi petit pouoir comme leur

mary et lors celle qui en essaie a lauanture le  
croit mieulx que deuant Car aucunefois elle prent  
vn compaignon dont elle ne peut finer sinon a  
paour et a grant goullees Mais quant il y peut  
auenir il y fait merueilles Car il est tout affame  
Et elle auoit tenu son mary a mescheant par auant  
et de petit pouoir Encores apres ce mieulx le croit  
car les choses plaissantes sont tousiours meilleures  
que les autres Et ainsi elle le croit maintenant  
seurement Car esperance est la maistresse Et ad-  
uient aussy que celle qui se marie qui est bonne  
galaife et entend bien raison quant on la luy dit  
laquelle croit aussy bien de son mari comme lautre  
que iay dit Car a laduanture elle en a essaie dault-  
res dont le fait est plus grant que nest celluy du  
bon homme qui ne sen donne pas grant melencolie  
ne peine Car il scet bien quil la trouuera tousiours  
pres de lui Et saches que les hommes font le con-  
traire de ce que dit est Car quelque femme quilz  
aient ilz croient generalement quelles sont les meil-  
leures et les plus sages de toutes les autres Mais  
aucunefois la rigle fault Et cest entre aucuns rybaux  
desesperes sans raison qui nont point dentendement  
Et voit on volentiers que plusieurs maris louent  
leurf femmes et racomptent les biens qui sont en  
elles Et ne leur est point aduis que il en soit nulles  
meilleures ne pareilles ne la ou ilz peussent trouer  
tant de biens ne sy bon appetit comme en elles Si  
voit on volentiers que quant vne femme est vesue  
elle se remarie tantost a vng autre Et aucunefois  
elle nactent pas vng mois a soy remarier pour es-  
sayer se lautre est de si petit pouoir comme celui

qui est trespasse et aduient aussi aucunefois quelle ne lui tient ne foy ne leaute Si aduient aussi que femme met a perte et degaste tout par son maluaiz gouuernement Et baille follement les biens de son mari quil acquiert a grant trauail selonc lestat dont il est Or les despensent en moult de manieres tant a son amy a vielles macquerelles que a son confesseur qui est cordelier ou iacobin qui a grosse pension pour lassouldre chascun an Car telles gens ont tousiours le pouoir du pape Et le bon homme son mary se contient le plus sagement quil peut sans faire grans despens et compte ce quil peut auoir de reuenue de sa marchandise selonc lestat dont il est Et puis regarde sa despense Si trouue tout compte et rabatu que son fait ne va pas bien Adonc est il en grant souffry et quant il est en son retrait il en parle a sa femme quil ayme plus que foy mesmes Et dit ainsi Mamie vraiment ie ne scay que noz biens deuiennent soit vin soit ble argent ou autres choses Et quant a moy ie ay tousiours lueil pour regarder a gouuerner nostre fait tant que ie nose pas auoir vne bonne robe Vraiment mon ami ie men esbahis aussi bien comme vous faictes Et aussi ie ne scay que ce peut estre car ie le cuide mener et gouuerne le myeulx que ie puis Si ne scet le bon homme ou il tient et en vient a pourete Et ne scet que penser fors seulement quil dit et concludt quil est ainsi malheureux et que cest fortune qui lui court sus et qui regne contre luy ne ne croira iames chose qui lui soit dicte contre sa femme ne aussi il ne trouuera iames personne qui lui en die ou dauanture sera car celui auoit bien

pou affaire veu que apres il fera le plus grant ennemi quil puist auoir Et aduient aucunesfois quil a vng bon ami qui voit tout le gouvernement qui y est et ne se peut tenir de le dire quil se donne garde sur sa maison sans plus lui en dire Car a laduanture luy dira tout clerement le fait comme il est dont il fera bien esbahis Si sen va le bon homme faisant mauuaise chere de quoy sa femme congnoit bien quil a quelque chose et se doute a laduanture de lautre quil luy a dit pource quil lauoit fort blasmee autrefois Mais se dieu plaist elle sen cheuera bien Et le bonhomme nen dit plus mot et se pense quil lessaiera Mamie dit il il me fault aller dehors a douze lieues de cy Et quoy faire mon amy ce fait elle Il me y conuient aller pour telles choses et telles Jaymasse mieulx mon amy que vous y enuoiffies vng varlet Je yray fait il car ie y auroie grant dommage se ie ny alloie mais ie seray venu dedens deux iours Lors sen part et fait semblant daller dehors et se met en lieu que sil venoit rien en sa maison il le scauroit bien et la dame qui a bien sceu ce quon a dit a son mary mande a son amy quil ne viengne pas pour chose qui soit car elle se doute bien de lembuche Ainsi se gouuerne sagement la dame la dieu mercy a son mary qui ny trouuera ia faulte Quant le bonhomme a bien oreille et escoute il fait semblant de arryuer en sa maison et fait bonne chere car il ne croit mes que tout soit mensonge de ce quon luy a dit de sa femme qui tant lui fait bonne chere Et le baise et lacoie si doucement Et pense que il nest point a croire que sa femme fist telle



chose et lui est bien aduis que il nen est rien Et quant il est en son secret il dit a sa femme Vrayement on ma dit aucunes paroles qui ne me plaisent gueres Par dieu mon amy ie ne scay que cest mais il y a grant piece que vous faictes mauuaise chere Jay eu grant paour que vous neuffiez quelque dommage grant ou que aucun de noz amys fussent trespassez ou prisonniers des angloys Ce nest pas cela fait il mais cest pis que vous ne dictes Aue maria fait elle et quelle chose peult ce estre se il vous plaist vous le me direz Certes vng qui est bien mon amy ma dit que vng tel vous maintient et asses dautres choses Lors la dame se seingne et fait grans admiracions Et se prent a soubzrire et dit Mon amy ne faictes ia pire chere Je voudroye aussi bien estre quicte de tous mes pechez comme ie suis de celui Adonc elle met ses deux mains sur sa teste et dit Mon amy ie ne iureray de cestui tant feullement Mais ien donne au dyable tout ce qui est soubz mes deux mains se oncques bouche domme toucha a la mienne sinon la vostre et a voz cousins et aux miens et par vostre commandement Fy fy fait elle effe cela Mon ami iay grant ioie que le mauez dit Car ie me doubtoie que ce fust aultre chose et ie scay bien dont sont venues ces paroles Mais pleust a dieu que vous sceussiez bien pourquoy il les vous a dictes Par ma foy vous en series bien esbahi pour ce quil se fait tant vostre amy mais ie suis bien aise car il a refuseille le chat qui dort Et que y a il dit le bon homme Ne vous chaille mon amy dit elle vous le faures bien vne autre fois Vrayement ie le vueil



fauoir Par dieu mon amy fait elle iestoye bien courroucee que le faissiez venir si souuent ceans et laissoie a le vous dire car vous laymies tant Dictes le moy fait il Certes mon ami il nest ia mestier que vous le fachez Dictes le moy ie vous en prie Lors elle le baïse et lacoïe trefdoulcement et lui dit Haa mon tref doulx seigneur et amy Et me vouloit il faire mal de vous le faulx traître Or me dites mamie que cest Par ma foy mon ami que iayme sur toutes choses qui sont en terre le traître en qui vous vous fiez ma prieë plus de deux ans entiers pour vous trahir mais si len ay ie bien refuse Et y a mis grant peine en maintes manieres Et quant vous cuidies quil venist ceans pour lamour de vous il ni venoit que pour vous trahir Ne il nen vouloit cesser iusques que ie lui dis que ie le vous diroie Car il ne men challoit pour ce que ie suis seure de moy et ne vouloie point mettre de noise entre vous et lui Helas ce nest pas sa faulte quil ne vous a fait honte Sainte marie fait le bon homme il est bien traître Car iames ne me doutasse de lui Par dieu mon seigneur se il entre ceans et que ie fache que parlez a lui ie ne tiendray iames mesnage avecques vous Car par ma foy de moy nauez vous garde Se dieu plaît ie ne commencerai pas maintenant Je prie dieu a iointes mains que quant il men prendra volente que le feu descende du ciel qui marde Helas mon ami fait elle en lacoïant moult doulcement bien feroie faulce se ie vous faisoie mauuaistie qui estes si bel et si bon et voules tout ce que ie veul Je veul que vous deffendes vostre hostel a celui de qui il ma faulcement acusee

des viandes tant que soient bien aises Le varlet  
arriue deuers sa femme et la salue et dit Ma dame  
fait il monffieur vient icy au giste et viennent avec-  
ques lui deux hommes destat en vous priant que  
vous faces bien aprester au soupper Et la dame  
lui respont Je nay que faire de ces festes Que  
ny est il venu lui mesmes Je ne scay ma dame il  
ma ainfy dit ce dit le seruiteur Dieux dit elle tu  
es vn mauuais garson Lors le varlet se taist et la  
dame sen entre en vgne chambre Et est telle qui  
ne fait autre chose Et qui pis est enuoye tous ses  
seruiteurs les vngs deca les aultres dela et les filles  
felle en a ou les chamberieres qui demorent a lostel  
font bien aprises quelles doyuent dire au bon homme  
quant il fera venu Or sen vient le bon homme le  
premier et appelle vne des filles ou des chambe-  
rieres Lors demande le bon homme se tout est  
apreste Par ma foy ce fait elle monseigneur ma  
dame est malade et ny a rien fait Le bon homme  
est bien courrouce et mainne ses amis en la salle  
ou ailleurs selon lestat dont ilz font et nya rien  
prest Ne demandes pas sil est bien aise Car a  
laduanture ses amis quil a amenes virent bien quant  
il enuoia son varlet deuant dont ilz peuvent noter  
que tout ce que le seigneur demande ou commande  
nest pas arrest de parlement Le bon homme sonne  
et appelle ses gens mais a laduanture il ne trouue  
que vn poure varlet ou vne poure chamberiere qui  
ne peut riens faire Il vient a la chambre de la  
dame et lui dit Que nauez vous fait ce que iauoie  
mande Sire fait elle vous commandes tant de choses  
quon ne scet auquel entendre Sainte marie en soi

gratant la teste Vous me faictes le plus mal du monde veezcy les gens a qui ie suis plus tenu quen puis ie mais ce fait la femme ne que voules vous que ien face Nous auions bien a faire maintenant de voz coufins Par ma foy il pert bien que vous nestes pas sage mais au fort faictes en a vostre guise car il ne men chault Je vous demande belle dame Pourquoi auez vous enuoie les varles dehors et sauois ie bien fait elle que vous en euffies a fayre combien que elle les ait enuoies tout en effyant et par despit du bon homme Lors lui qui veult entendre a supplier a la faulte laiffe les paroles et sen va bien dolent car il aymast mieulx a lauanture telles gens pouoient ilz estre auoir perdu cent escus dor mais a la dame ne chault de tout ce Elle le congnoit bien il ne la mordra ia car elle la autrefois veu Briefuement il tourne par la maison et ralie ce quil trouue de ses genf et fait tout le mieux quil peut Or demande le bon homme des toailles ouurees et blanches mais on lui respont quil ne en peut point auoir Il va deuers la dame Et luy dit que les seigneurs qui sont ses parens lont bien fort demandee Si la prie moult doucement quelle vienne les festoier et faire bonne chere Et certes ce fait elle fire ie nyray point ilz sont trop grans maistres ilz ne priferoient rien pouures femmes Lors a lauanture elle yra mais selle y va elle fera telle contenance quil vaulfit mieulx quelle ny entraist ia car ses amis congnoissent bien la maniere et que gaires ne lui plaist leur venue Et se elle ny vient il demande des touailles blanches Des toailles fait elle Il en y a de belles et de

bonnes et pour plus grant maistres quilz ne font et dauffy bon lieu comme ilz font ilz ne en auront nulles autres Et auffy toutes les autres font en la buée non pourtant ie ne le dis pas pour les touaïlles mais auffy ay ie perdu les clefz deshuy matin vees la chamberiere qui les quiert en celle paille de lict car ie ne scay que ien ay fait pour ce que iay tant a faire que ie ne scai auquel courre et en ay la teste toute rompue Vrayement fait il ie suis bien trompe Et vraiment ie rompray les coffres Par ma foy fait elle vouf feres vne belle chose Je men actens a vous Et voudroie que vous les eussies desia despeffies gastes Lors il ne scet que faire et sapaïse a ce quil trouue et cuyde que elle die voir Ilz vont a table Or conuient il auoir du vin fres dune playne pipe Car celui qui est en despence nest pas asses bon On ne peut Car la dame ne le veult pas et ny a fourmage ne autre chose mais conuient a lauanture en aller querir cheux les voisins Le page du bon homme est avec les pages des autres voisins en lestable Et leur compte comment la dame si fait la malade tant est courroucée de ce que leurs maistres font venus Or saprouche le temps daller coucher et ne peut auoir le bon homme de linceux blancs pour les clefz qui sont perduez ne naura oreiller ne courecher et faut quilz couchent en linceux commun Et sen vont le matin les amis qui ont bien congneu la contenance de la dame Et leur varlet leur comptent sur le chemin ce que le page du bon homme leur auoit comte Si sen rient en cheuauchant Et touteffois ilz ne sont pas bien content et dient quilz ny entreront mes de



pieſce et vauſit mieulx auoir perdu au bon homme  
beaucoup du ſien qui les auoit amenes Quant vient  
au matin il veult parler a la dame et lui dit Vraye-  
ment dame ie me eſmerueille de voſtre maniere  
Ne ie ne me ſcauroye gouuerner avec vous Aue  
maria fait la dame y a il tant afaire a moi Je ne  
fine tous les iours de nourrir porcs poucins et  
canes Et ie filles et trauailles et fais tout le mieulx  
que ie puis et encore ne puis ie auoir vne ſeulle  
heure de bon repos et vous ne trauailles ſinon a  
deſpendre et degaſter tout et a gens dequoy ie nay  
que faire Que faire fait il ce ſont gens qui nous  
peuent bien aider ou nuire Lors ſouuient au bon  
homme que quant vng iolis galant y va il ny a riens  
eſpargne et touteſſoif le bon homme lui a dit quil  
ne veult point quelle latire en ſa maiſon car il nya  
que faire Et elle reſpont ie ly ferai venir Adonc  
commence la noiſe Le bon homme dit de quoy il  
fait que fol Par le ſacrement de dieu ſe ie ly trouue  
et quil parle a vous ie vous feray la plus cour-  
roucee que vous fuſtes oncques Par ma foy fait  
elle il ne men chault ſil eſtoit pendu mais ainſi eſt  
que qui ne peche ſi encourt Se ie fuſſe femme  
qui ſe gouuernaſt mauuaifement ie ne men eſbahiffe  
pas tant et fiſſe mieux que ie ne fais Or ſont en  
noiſe et a lauanture par malice de lui ou d'elle il  
ſont vne grant pieſce ſans coucher enſemble Et  
ce eſt ce quelle demande car a laduanture leſcuyer  
dont il parle y viendra la nuit par luyſ de derriere  
ou montera par vne fenestre Apres conuyent que  
la choſe ſapayſe Et conuient que le bon homme  
comence la paix et la flate Car la femme veult

estre tousiours flatée et croit de legier mais que ce soit a sa louenge Lors passe ainsi le temps iusques que a l'aduanture le bon homme trouue la dame parlant a lescuyer dessus dict en sa maison ou a lesglise ou a vne feste ou elle auoit este dont il entre en vne grant ialousie plus quil na este Il se deffait et entre en grandes pensees Il espie et enquierit dont il fait que fol Car noble cueur homme ne peut ne ne doit enquerir du faict des femmes car se vn homme sauoit vne fois la faute de sa femme il en seroit en tel point que iames nul medecinne le gariroit Et puis il enquierit et serche sa honte et il la trouue Cest bien raison quil endure le mal et la honte que il a tant serche Et en ce cas ie le tiens pour perdu car tousiours il lui court peril de ses biens et de son corps Vielleffe le surprendra et sabestira et assotira du tout par le droit du ieu Ainsi est en la nasse enclos en douleur et en tristesse quil prent pour ioie veu quil ne voudroit pas quil fust autrement Ainsi demourra entierement tousiours Et finira miserablement ses iours





**L**a septieme ioie de mariage sy est que aucune fois cil qui est marie troue vgne femme bonne galeise qui ne refuseroit iames raison quant on la lui offre mais sachez combien quelle soit preude-femme ou autre Il y a vne rigle generale en mariage que chascun si croit et tient que le mari est le plus meschant et le moins puissant quant au regart du mestier secret que tous les autres du monde Et auient souuent que quant le ieune homme est vert et recroquille se marie a vne fille bonne et preude qui prennent des plaisirs ensemble tant que cest merueille Et tout ce quilz en peuent prendre par vng ou deux ou trois ans ou plus quilz refroidissent leur ieunesse mais la femme ne se degaste pas si tost comme lomme de quelque maniere quelle soit pource que la femme ne prent pas tant de peines et de souffis que fait le bon homme Et se ilz ne faisoient ores riens sinon soulacier et iouer si seroit lomme plus tost gaste quant a ce mestier Il est vray quant la femme porte enfans tant que elle est grosse et empeschee a lenfantement a grant peine et grant douleur Mais tout ce ne est rien a comter a vn foucy que vng homme raisonnable prent des pensees parfondes pour aucunes choses quil a a faire Et quant de la peine et de langoisse de lenfantement ne men merueille non plus que de vgne oye qui met hors de foy vng gros oeuf comment le

poing par vn petit pertuis ou par deuant ne penſies  
mectre voſtre petit doy Et auſſi eſt grant choſe a  
nature de faire de lun comme de lautre Et ſi verres  
touſiours vne geline ponnant tous les iours plus  
grace beaucoup que vng poulet car le poulet eſt ſi  
beſte quil ne penſe et ne fait tous les iours que  
amaffer vitailles pour elles et leur baille a la bouche  
et la geline ne ſe eſmaie que de menger et ſe tient  
bien aïſe Et ainſi le font les preudomes maries  
qui en font bien eſbloues Et apres aduient ſans  
faillir que lomme eſt fort vſe et eſtrye qui touſiours  
a peines et trauaux et ſouffy Et touſiours penſe  
ailleurs Il ne ſaplicque plus a tel eſbat ou bien  
pou ſe ce ne eſt pour complaire a ſa femme comme  
il ſouloit Et auſſi ne le pourroit il faire et ſe laſſe  
de tout en celui cas Et la femme ne ſen laſſe point  
mais eſt en celui meſtier auſſi chaulde quelle fut  
oncques Et pour ce que ſa liuree ſi ſe diminue  
chascun iour pour les delictz et plaifances du mary  
tout tourne en noyſe et en riocte Et ainſi com-  
ment ſa liuree diminue petit a petit ilz ſe commen-  
cent a rechigner quant la liuree ne ſouffit pas a la  
dame poſe ores que ſoit preudefemme et que elle  
na nulle volente de mal faire ſi ne laiſſe elle paſ a  
croire que ſon mary ne ſoit de moindre pouoir que  
les autres et a meilleur raiſon de le croire pource  
quelle ne effaya oncques dautre que de lui et il ne  
lui ſouffit pas Car par raiſon vn homme doit ſouf-  
fire a vne femme ainſi comme dieu et leſglife lont  
ordonne et ordonnerent que chascune en euſt vng  
Et aucunesfois ſe mectent a laduanture de eſſaier  
ſe les autres ſont dauſſi petit pouoir comme leur



mary et lors celle qui en effaie a lauanture le croit mieulx que deuant Car aucunefois elle prent vn compaignon dont elle ne peut finer sinon a paour et a grant goullees Mais quant il y peut auenir il y fait merueilles Car il est tout affame Et elle auoit tenu son mary a mescheant par auant et de petit pouoir Encores apres ce mieulx le croit car les choses plaifantes sont tousiours meilleures que les autres Et ainsi elle le croit maintenant seurement Car esperance est la maistresse Et aduient aussy que celle qui se marie qui est bonne galaife et entend bien raison quant on la luy dit laquelle croit aussy bien de son mari comme lautre que iay dit Car a laduanture elle en a effaie dautres dont le fait est plus grant que nest celluy du bon homme qui ne sen donne pas grant melencolie ne peine Car il scet bien quil la trouuera tousiours pres de lui Et faches que les hommes font le contraire de ce que dit est Car quelque femme quilz aient ilz croient generalement quelles sont les meilleures et les plus sages de toutes les autres Mais aucunefois la rigle fault Et cest entre aucuns rybaux desesperes sans raison qui nont point dentendement Et voit on volentiers que plusieurs maris louent leur femmes et racomptent les biens qui sont en elles Et ne leur est point aduis que il en soit nulles meilleures ne pareilles ne la ou ilz peussent trouer tant de biens ne sy bon apetit comme en elles Si voit on volentiers que quant vne femme est vesue elle se remarie tantost a vng autre Et aucunefois elle nactent pas vng mois a foy remarier pour essayer se lautre est de si petit pouuoir comme celui

qui est trespasse et aduient aussi aucunesfois quelle ne lui tient ne foy ne leaute Si aduient aussi que femme met a perte et degaste tout par son maluaiz gouuernement Et baille follement les biens de son mari quil acquiert a grant trauail selonc lestat dont il est Or les despent en moult de manieres tant a son amy a vielles macquerelles que a son confesseur qui est cordelier ou iacobin qui a grosse pension pour lassouldre chascun an Car telles gens ont tousiours le pouoir du pape Et le bon homme son mary se contient le plus sagement quil peut sans faire grans despens et compte ce quil peut auoir de reuenue de sa marchandise selonc lestat dont il est Et puis regarde sa despense Si troue tout compte et rabatu que son fait ne va pas bien Adonc est il en grant souffry et quant il est en son retrait il en parle a sa femme quil ayme plus que foy mesmes Et dit ainzy Mamie vraiment ie ne scay que noz biens deuient soit vin soit ble argent ou autres choses Et quant a moy ie ay tousiours lueil pour regarder a gouuerner nostre fait tant que ie nose pas auoir vne bonne robe Vraiment mon ami ie men esbahis aussi bien comme vous faictes Et aussi ie ne scay que ce peut estre car ie le cuide mener et gouuerne le myeulx que ie puis Si ne scet le bon homme ou il tient et en vient a pourete Et ne scet que penser fors seulement quil dit et concludt quil est ainzy malheureux et que cest fortune qui lui court sus et qui regne contre luy ne ne croira iamais chose qui lui soit dicte contre sa femme ne aussi il ne trouuera iamais personne qui lui en die ou dauanture fera car celui auoit bien


pou affaire veu que apres il fera le plus grant ennemi quil puist auoir Et aduient aucunesfois quil a vng bon ami qui voit tout le gouvernement qui y est et ne se peut tenir de le dire quil se donne garde sur sa maison sans plus lui en dire Car a laduanture luy dira tout clerement le faict comme il est dont il sera bien esbahis Si sen va le bon homme faisant mauuaise chere de quoy sa femme congnoit bien quil a quelque chose et se doubte a laduanture de lautre quil luy a dit pource quil lauoit fort blasmee autrefois Mais se dieu plaist elle sen cheuira bien Et le bonhomme nen dit plus mot et se pense quil lessaiera Mamie dit il il me fault aller dehors a douze lieues de cy Et quoy faire mon amy ce fait elle Il me y conuient aller pour telles choses et telles Jaymaste mieulx mon ami que vous y enuoiffies vng varlet Je yray fait il car ie y auroie grant dommage se ie ny alloie mais ie seray venu dedens deux iours Lors sen part et fait semblant daller dehors et se met en lieu que sil venoit rien en sa maison il le scauroit bien et la dame qui a bien sceu ce quon a dit a son mary mande a son amy quil ne viengne pas pour chose qui soit car elle se doubte bien de lembuche Ainsi se gouuerne sagement la dame la dieu mercy a son mary qui ny trouuera ia faulte Quant le bonhomme a bien oreille et escoute il fait semblant de arryuer en sa maison et fait bonne chere car il ne croit mes que tout soit menfonge de ce quon luy a dit de sa femme qui tant lui fait bonne chere Et le baise et lacoie si doucement Et pense que il nest point a croire que sa femme fist telle

chose et lui est bien aduis que il nen est rien Et quant il est en son secret il dit a sa femme Vrayement on ma dit aucunes paroles qui ne me plaissent gueres Par dieu mon amy ie ne scay que cest mais il y a grant piece que vous faictes mauuaise chere Jay eu grant paour que vous neussiez quelque dommage grant ou que aucun de noz amys fussent trespassez ou prisonniers des angloys Ce nest pas cela fait il mais cest pis que vous ne dictes Aue maria fait elle et quelle chose peust ce estre se il vous plaist vous le me direz Certes vng qui est bien mon amy ma dit que vng tel vous maintient et asses dautres choses Lors la dame se feingne et fait grans admiracions Et se prent a soubzrire et dit Mon amy ne faictes ia pire chere Je vouldroye aussi bien estre quicte de tous mes pechez comme ie suis de celui Adonc elle met ses deux mains sur sa teste et dit Mon amy ie ne iureray de cestui tant seulement Mais ien donne au dyable tout ce qui est soubz mes deux mains se oncques bouche domme toucha a la mienne sinon la vostre et a voz couzins et aux miens et par vostre commandement Fy fy fait elle esse cela Mon amy iay grant ioie que le mauez dit Car ie me doubtoie que ce fust aultre chose et ie scay bien dont sont venues ces paroles Mais pleust a dieu que vous sceussiez bien pourquoy il les vous a dictes Par ma foy vous en seriez bien esbahi pour ce quil se fait tant vostre amy mais ie suis bien aise car il a refueille le chat qui dort Et que y a il dit le bon homme Ne vous chaille mon amy dit elle vous le faures bien vne autre fois Vrayement ie le vueil



fauoir Par dieu mon amy fait elle iestoye bien courroucee que le faisiez venir si souuent ceans et laissoie a le vous dire car vous laymies tant Dictes le moy fait il Certes mon ami il nest ia mestier que vous le sachez Dictes le moy ie vous en prie Lors elle le baïse et lacoïe tresdoulcement et lui dit Haa mon tref doulx seigneur et amy Et me vouloit il faire mal de vous le faulx traître Or me dites mamie que cest Par ma foy mon ami que iayme sur toutes choses qui sont en terre le traître en qui vous vous fiez ma prieë plus de deux ans entiers pour vous trahir mais si len ay ie bien refuse Et y a mis grant peine en maintes manieres Et quant vous cuidies quil venist ceans pour lamour de vous il ni venoit que pour vous trahir Ne il nen vouloit cesser iusques que ie lui dis que ie le vous diroie Car il ne men challoit pour ce que ie suis seure de moy et ne vouloie point mettre de noise entre vous et lui Helas ce nest pas sa faulte quil ne vous a fait honte Sainte marie fait le bon homme il est bien traître Car iames ne me doutasse de lui Par dieu mon seigneur se il entre ceans et que ie sache que parlez a lui ie ne tiendray iames mesnage avecques vous Car par ma foy de moy nauez vous garde Se dieu plait ie ne commencerai pas maintenant Je prie dieu a iointes mains que quant il men prendra volente que le feu descende du ciel qui marde Helas mon amy fait elle en lacoïant moult doulcement bien seroie faulce se ie vous faisoie mauuaistie qui estes si bel et si bon et voules tout ce que ie veul Je veul que vous deffendes vostre hostel a celui de qui il ma faulcement acusee

combien que au diable soit lame de moi fil men parla  
oncques mais de par dieu ie ne veul point quil  
viengne en lieu ou ie foye Lors se prent a plourer  
Et le bon homme lapaife Et lui promet et iure  
quil tiendra tout ce quelle a dit Sinon quil ne def-  
fendra pas sa maison au compaignon Toutefois il  
ne fera iames quil nen ait aucun remors et le cuer  
chargie Conclusion son amy qui lui auoit dit par  
grant amytie fera le plus grant ennemi quil ait  
Ainsy est le bon homme abesti Or a il du menage  
et est en la nasse enclos Et fera mieulx la dame  
en sa guise quelle ne fist oncques Et nen parle  
iames nul homme car il ne en croira riens et celui  
qui faisoit la vilennie sera le meilleur amy quil ait  
Viellefse le surprent et a laduanture cherra en  
pourete de laquelle iamef ne se relieuera Cest la  
plaifance quil a trouee en la nasse Lun luy dit  
quil est bien iohan Lautre le monstre au doyt  
Lautre dit que cest grant dommage Lautre dit que  
il ne peut chaloir et que ce nest que le droit du ieu  
Ainsy vit en pascience et en douleurs que il prent  
pour ioyes veu que il ne voudroit estre autrement  
Ainsi demourera tousiours Et finira miserablement  
ses iours





**L**A huitiefme ioye de mariage fi est que quant celui qui est marie a fait tant quil est en la nasse entre ou il a pris tous plaisirs par deux ou iii ans Et commence fort a refroidier et veult entendre a ses besongnes car on ne peut pas toufiors iouer es barres Et a lauanture il a eu asses de meschances dont il est fort debatue tant que il na garde de sen fouyr Et a laduanture la femme a deux ou trois enfans et est grosse Mais elle est plus malade de ceste grosse que de lautre don le bon homme est en grant souffi de lui querir ce quil lui fault Or saprouche le temps de lenfante-ment ou elle est tant malade que cest merueille et tant que les femmes ont grant paour quelle nen puisse eschapper Mais le bon homme la voue a saints et a sainctes et elle sest vouee a nostre dame de rochemadour Or aduient que nostre seigneur deliure la dame dun bel enfant et fust le filz dun roy Elle couche longuement et les commeres viennent Et feront les leuailles grans et belles Si aduient quelle a deux ou trois de ses comeres qui sont avecques elle en la maison pour galer et sera aladuanture fil ni a quelque fatras dont ie me tais Et despendent plus de biens que le bon homme ne deust pour tout son mesnage Le temps nouuel saprouche si conuient aller aux champs et font leurs entreprises daller en voyage Et quel chose que les

maris aient a faire a elles ne chaut Lors la dame  
dont nous parlons dit Vrayement ma commere ie  
ne scay comment ie puisse auoir congie De cela  
ie ne men esmaies point par dieu ma commere  
nous yronf tous ensemble et nous efbatrons bien  
Or ont entreprins le voiage et se departent densemble  
La dame dont nous parlons sen vient en sa maison  
et fait mauuayse chere Et aussi le bon homme vient  
de la ville ou de ailleurs de ses besognef et lui de-  
mande quelle a Sire ce fait elle ie suis courroucee  
car nostre enfant est malade Le bon homme est  
bien courrouce et doulent et le vient veoir Et  
quant il le voit les larmes lui viennent aux yeux  
de pitie quil en a La nuit vient Et quant ilz sont  
a leur priue la dame souspire et commence a dire  
Vraiment mon ami vous mauuez bien oubliee Com-  
ment mamie fait le bon homme Vous souuiet il  
pas fait la dame que ie fus malade de nostre enfant  
Et que ie me voue a nostre dame de rochemadour  
et vous nen faictes compte Et dieu mamie et ne  
fauez vous que iay tant a faire Par dieu ie ne seray  
iames aise tant que ien soie quicte et par ma foy  
ma creance que lenfant en est malade Mamie  
fait il dieu fcet voustre bonne volente et la myenne  
Haa fait elle nen parles point car certes ie yray  
fil plait a dieu et a vous Et aussi mes coufins telz  
et mes commeres telles y viendront Et le bon  
homme pense a ce voyage car a lauanture il na pas  
bien tout ce qui lui faut Or conuiet il quil face  
finance de cheuaux selon lestat dont il est et con-  
uiet que elle ayt robe a cheuaucher Et a lad-  
uanture yra vng gentil galant en sa compagnie qui




lui fera volentiers seruice Et aussi pourra bien estre que le bon homme yra auecques elle et fil y va il lui vaulfit mieulx estre demoure en son hostel et deust il ores toufiours porter pierres sus son col Et aussi elle ne feroit pas bien contente sil nauoit peine et meschef Maintenant dit que elle a vn estie trop long et lautre trop court maintenant dit que le cheual trocte trop dur et en est malade maintenant fault quelle descende et quil la remonte et fault quil la maine par la bride pour passer vng pont ou vng mauuaiz pas Et quant ilz seront venus du voyage fil y a eu aucun bien elle dira quil est venu de par foy et fil y a mal elle tenfera a son mari Le sien se gastera tout le mesnage croistra Et la despense amoindrira elle dira quelle est gastee des enfans quelle a portes La est le bon homme en la nasse bien enclos en douleurs quil repute pour ioyes Esquelles il fera et demorra toufiurf et finira miserablement ses iours





**L**A neufyefme ioye de mariage eft quant le ieune homme fi eft mis en la naffe en la prifon de menage Et apres les delictz et plaifances qui y font nouuellement trouuees Et a laduanture la femme fera malle et diuerfe comme beaucoup et a laduanture il eft homme de bon gouuernement et ne luy a pas voulu ne ne veut fouffrir et y a eu plufieurs argumens entre eulx Et aucunesfois y a eu de cops donnees Et pouez penfer que en trente ans ou plus quilz ont efté en cefte guerre quil a eu beaucoup a fouffrir Car il peut eftre quil a eu vne grand partie des tribulacions et aduerfites deffus dictes et qui font contenues cy apres mais neant moins il demoure victorieux et na point efté enuilié de fait ne de defhonneur Mais touteffois moult a eu a fouffrir qui bien y penferoit Car a laduanture il a de belles filles que il a fagement mariees Si aduient que pour les males nuits et froidures quil a eues a acquerir cheuance ou pour viellefce le bon homme chet en langueur de maladie de goute ou dautre chofe tellement quil ne fe peut leuer quant il eft affis en vng lieu Lors eft la chance retournée malement car la guerre eft finée Et qui pis eft elle lui dit bien fouuent par haine quelle eft bien certaine que ce eft par fon peche Et peut on penfer que fe la dame eft deuant lui il dit a la dame Mamie vous eftes la chofe qui foit au monde

que ie doy mieulx aymer et vous moy Si faches  
que ie ne suis pas content de aulcunes choses qui  
me sont faictes Vous sauez que ie suis seigneur  
de la maison et seray tant que ie viuray mais on  
nen fait pas semblant Car se iestoie vng poure  
homme qui allaist son pain querant on ne me deu-  
roit pas faire ce quon fait Vous sauez mamie que  
iay mis grant peine et diligence a soustenir vostre  
estat et vostre faict et noz enfans se portent mal  
enuers moy Et que voules vous quon vous face  
dit la dame on vous fait du mieux quon peut et vous  
ne saues que vous demandes Or belle dame taifez  
vous Lors le filz se rigole de lui et se deppartent  
la dame et le filz et empireront leritage qui ny  
pouruoir et ilz concluent ensemble que homme  
du monde ne parlera a lui Le filz veult entrer au  
gouuernement plus que deuant car sa mere le souf-  
tient et dient a chascun que le preudomme est entre  
et retourne en effance Or lui conuient il prendre  
tout en gre car autre remede ny peut il mettre Et  
quant a moy ie croy que cest vne des plus grandes  
douleurs qui soit sur terre Ainsy fait le preux-  
domme sa penitence Et ainsy fera en gemiffemens  
et en douleurs tousiours et finira miserablement  
ses iours





**L**A dixiesme ioie de mariage est quant celui qui est marie fest mis dedens la nasse pource que il a veu les autres poissons qui se baignoient dedens se lui sembloit et a tant traueille quil a trouue l'entree et peut on dire que on le fait entrer en la nasse de mariage come loyselleur fait les oyseaulx par certains autres oyseaulx affaicties puis sont prins chascun par vng pie et sont emportes en vng sac ou en vng panier Moult fussent aises les pources oyseaux silz fussent en liberte comme ceulx qui vont de riuere en riuere charges de toutes viandes mais quant il voient les autres dedens ilz y entrent tous sinon aucuns oyseaux ruses qui ont veu et oy parler de la fourme et l'ont bien retenu mais non obstant tous ceulz qui sont maries dont nous parlons ont aduise a ce mestier le mains mal quilz ont peu ou a l'aduanture sans riens y aduifer et quoy quil soit il cuyde auoir ioies ou il est mis mais il trouue le contraire et aduient aucunesfois par aucunes choses qui leur dit que ce sont enuoustemens curateurs ou malefices que sa femme ne laymera iames Et dit a sa mere ou a sa cousine que quant elle est couchee pres son mari que la char lui pust tant comme se c'estoit vne charongne et que iames ne lui fera amour ne plaisir et aduient souuent que telles femmes qui sont en tel estat ou vng homme que tant quilz soient ensemble ilz ne sont point



enuoustes mais fident bien de leurs membres Et quant elle fest bien prou efbatue de son ami elle a aucuns amis qui traictent la paix auec sa mere et que die quelle a tousiours este auecques soy La poure fille sen estoit allee pource quil la vouloit afoler Et iaieroie mieux que la me leffifies que la batre ainsi car ie scay bien que ma fille ne vous a fait aulcune faute Or regardes s'elle eust este de mauuaiz gouuernement elle estoit perdue Et aduient aucunefois quilz demandent a estre separes Le mary acuse sa femme et la femme son mary Ilz se sont mis en la nasse et en voullissent estre dehors Il ne est pas temps de sen repentir Ilz plaident fort en leur cause Et aucunefois quilz ne dient ou aleguent choses souffisans pour venir a leur entencion le iuge dit par iugement quilz tiendront leur mesnage et les admonneste En oultre les biens premiers ou ilz estoient ilz ont ce lopin car ilz nestoient pas asses laz En oultre se sont fait mocquer de eulx a tous qui deulx et de leur cause ont ouy parler Aucunefois ilz dient cause raisonnable lun contre lautre par quoy le iuge par iugement les separe Et il aduient aucunefoys que lun ou lautre se maintiennent solement Et aulcunefois la femme va de chambre en chambre ou en vne bonne ville et fait tout son plaisir ilz se cuident estre mis hors de la nasse et cuident estre eschappes mais il sont pis que deuant Or est lomme gaste et affole de quelque estat quil soit et la femme aussy Ilz ne se peuent plus maryer la vie durant de lun ou de lautre Silz font de grant lieu leur nom est perdu Car a laduanture vng galant la tiient en sa maison

honteusement Et ainſi vſe ſa vie en la naſſe  
en douleurs et en gemiſſemens Ou il viura en  
languiffant touſiours Et miſerablement finira ſes  
iours





**L**A vnziefme ioie de mariage si est quant vng ieune homme gentil galant gay et iolis sen va par le pays Et va tout lan en plusieurs lieux et par especial ou font dames et damoifelles selon lestat dont il est et pour ce quil est ieune et aussi amoureux il ne viuroyt de nules choses fors de plaifances Et sil troue aucune dame qui ayt a faire de lui il sy employe volentiers Si vient volentiers en vn hostel ou il y a vne belle fille qui a laduanture est de plus grant lignage que luy Et pource que elle est si belle et si renommee y sont venus plusieurs suplians et y en a vng qui tant a ofert quelle ne la peu refuser Car femme debonnaire ne pourroit refuser la suplication de raison Or retournons a la belle damoifelle qui par opression dun poure compaignon lui a octroye ce quil lui a demande et est tellement aduenue quelle est grosse Et la dame qui la sceu qui est asses faulce y mectra bonne prouision et le compaignon ny viendra plus et fait tant la dame quil la prent Il fault prendre les choses comment elles sont La poure damoifelle qui est grosse et na gueres de temps et elle mesme nen scet rien car ce nest que vng enfant qui ne scet que cest mais se dieu plait elle le scaura Or sadiuise la dame qui scet le viel testament et le nouuel appelle la fille secretement Vien ca fait la dame Certes ie tay dit autrefois que tu es perdue et deshonneurree dauoir fait ce que

tu as fait Mais ce qui est fait est fait Je congnois  
que tu es grosse Dy men la verite Par ma foy  
dist la fille ie nen scay rien Il me semble fait elle  
que quant vient au matin ie te voy vomir et faire  
telle contenace et telle Vraiment ma dame il est  
vray Ha fait la dame tu es grosse nen sonne mot  
ne nen faiz semblant a personne du monde et garde  
bien que tu faces ce que ie te commanderay Si  
feray ie fait elle Naf tu pas fait la dame veu tel  
escuier qui vient si souuent ceans Si ay vrayement  
ma dame Or laduise bien Il y viendra demain Et  
garde bien que tu lui faces bonne chere et de bonne  
maniere et quant tu verras que autres gentilz hom-  
mes et moy parlerons ensemble gecte tousiours  
lueil sur lui et faiz ainfi Lors elle lui monstre com-  
ment elle fera Et se il veult parler a toy escoute  
le volentiers et doucement et lui respons bien et  
courtoisement Et fil te parle damours escoute le  
parler et le remercie mais dis lui que tu ne sces  
que cest et que encores ne veulx sauoir et fil te  
veut donner or ou argent si nen prens point mais  
fil te presente anel ou aultre chose refuse le gra-  
cieusement mais a la parfin prens le pour lamour  
de lui sans y penser nulle vilanie Et quant il  
prendra congie de toy demande lui se on le verra  
mes empiefce Or sen vient le galant qui sera mis  
en la nasse car la dame le veult marier selle peut  
auecques la damoiselle car il est tressbien herite et  
encores est simple Et semblera martin de cambray  
qui en fera scaint par le cul Or sen vient le galant  
veoir les damoiselles Car il y est trop aise Car  
toutes ont tendu leur engin pour le prendre La



dame prent vng cheualier ou vng escuier et fassent  
et les autres aussi pour parler et galler ensemble  
et le galant se tient pres la fillete et parlent en-  
semble Et se prennent par la main Et il dit Pleust  
a dieu ma damoiselle que vous sceussies bien ma  
pensée Et comment fait elle pourray ie la sauoir  
se vous ne le me disies Penfés vous chose que  
vous ne me doyes dire Par ma foy fait il nenny  
mais ie vouldroie bien que vous le sceussiez sans que  
ie le vous disse Vraiment fait elle en riant vous  
dictes chose qui ne se pourroit pas bien faire Sil  
vous plaisoit fait il que ne leussiez a desplaisir ie le  
vous diroie Sire ce fait elle dictes ce quil vous  
plaira Car ie scay bien tant de vous que ne direz  
ia chose qui ne soit tout bien Dame fait il ie ne  
suis que vng pource gentil homme et scay bien que  
ie ne suis pas digne destre vostre amy par amours  
Car vous estes belle gente et gracieuse et plaine  
de tous biens Mais sil vous plaisoit a moy faire  
tel honneur que ie fusse vostre amy Je mose bien  
vanter de bonne volente de vous faire tous les  
playfirs que homme pourroit faire Je vous seruiroie  
et garderoie vostre honneur plus que le mien Grant  
mercy fait elle fire Mays pour dieu ne me parles  
point de telz choses Car ie ne scay que cest ne ne  
vueil sauoir car ce nest pas ce que ma dame men-  
seigne tous les iours Par ma foy ma damoiselle  
ma dame dont vous parles est vne tresbonne dame  
mais elle nen scauroit ia riens Et beau fire ie ouy  
parler lautre iour de vous marier bien mesmerueille  
dont vous vient parler de telles paroles Par ma  
foy ma damoiselle sil vous plaisoit ie ne me marie-

roye iames tant quil vous plairoit que ie fuffe voustre  
feruiteur Et vouldries vous bien que ie fuffe def-  
honnoree Par mon ame iaymeroie plus cher estre  
mort Pour dieu fait elle taiffies vous Car se ma  
dame fen apperceuoit ie feroie gastea Et a laduan-  
ture fa dame lui a fait signe quelle se tayse Lors  
il lui baille par deffouz la main vn anel ou autre  
chose Et lui dit Je vous prie que vous gardes  
cecy pour lamour de moy Certes fait elle ie ne  
le prendrai point Helas ma damoifelle ie vous en  
prie et lui met en la main et elle le prent et dit  
Je le prens pour auoir amour avec vous fans y  
penfer que tout bien et honneur Lors dist la dame  
aux gentilz hommes Il conuient aller demain en  
pelerinage a nostre dame de tel lieu Vraiment  
font ilz ma dame ce est trefbien dit Ilz fen vont  
foupper et toufiours mectent le galant empres la  
damoyfelle qui toufiours fait trefbien fon person-  
nage tant et tellement quil est tout embrase et alume  
de fon amour Or vient lendemain quilz montent  
a cheual et nya cheual qui porte derriere se dient  
tous forf celui du galant dont il a grant ioye car  
on luy baille la damoifelle derriere foy et lembraffe  
a cheual pour foy tenir et dieu fceit fil en est bien  
aife Or se aprouche il fort de la naffe Ilz font  
leur voyage en bonne entencion dieu le fceit Ilz  
retournent a loftel Quant vient apres difner la dame  
va en fa chambre et dit a la fille Or lui diz quon  
te veult marier et que tu ne le veulx pas encores  
estre Et fil se offre a toy prendre mercie len et lui  
dis que tu men parleras et quil nefst au monde  
homme que tu aimes tant comme lui Puyf fen vont

tous au iardin et vont iouant par les violiers et le  
galant dit a la fille quelque chose et elle dit Helas  
pour dieu ne men parles plus ou ie laisserai vostre  
compagnie Vouldriez vous bien que ie perdiffe mon  
honneur Nauez vous pas oi quon parle de me  
marier Par mon ame fait il ie ne vouldroie rien  
blamer mais il mest aduif que ie suis aussi bien  
a la valeur de vous faire seruice comme celui  
don auez oi parler Par ma foy fait elle ie vouldroye  
quil vous ressemblast Grant merci fait il  
ma damoselle vous me prises de vostre courtoisie plus  
que ie ne suis digne mais se il vous plait uous me  
feres lonneur et ien feray fort honore Grant mer-  
cis fait elle Il conuiendroit parler a ma dame et a  
mes amis Se ie fauoie quil leur pleust de leur en  
parler ie leur en parleroie Pour dieu ne dictes  
point que men aies parle car autant me vaudroit  
estre morte Non feray ie ce fait il puis en parle  
a la dame tant que la chose est en bon point Ilz  
se fiancent et a laduanture les font coucher en-  
semble Le pource homme est en la nasse ilz font  
les noces sans bans car les amis de elle ont paour  
quil ny suruiengne aucun empeschement La nuit  
sen vient et saches que la dame a bien instruite  
et enseygnée la fille quelle donne a son mari de  
grans efforts et en maintes manieres comment pucelle  
doit faire Et lui a bien appris la dame que quant  
il vouldra fraucer la pieffe quelle gecte vng cop  
dalaine comme s'elle estoit en eue froide iusques  
es mamelles Et de fait la dame ioue bien son per-  
sonnage Mais le pere et la mere sont bien courrou-  
ces Mais pitie et amour quilz ont en leur enfant

les fait recueillir lui et sa femme Vezcy plus grant mal qui aduient car la damoiselle aura enfant a trois ou a quatre moys Lors les ioyes du temps passe si sont tournees en tristesse Et a l'aduanture la batra et iames bon menage ne tiendront Mais non obstant il est en la nasse et neschapera point En douleurs et en gemiffemens il fera toujours et finira miserablement ses iours







**L**A douziefme ioye de mariage fi est quil aduient que le ieune home a tant alle et venu quil a trouue lentre de la nasse et a trouue femme telle comme il la demandoit et lui seroit de mestier quil en eust trouue vgne autre mais il ne le voudroit pour rien Car il lui semble quil est myeulx assigne que nul autre et quil fust bien heureux de la trouuer Et peut estre tel le bon homme quil est tout delibere de soy gouuerner par son conseil Et quant aucun a afaire a lui il dit Jen parleray a la dame de nostre maison Et se elle veult il fera fait Et s'elle ne veult il nen sera rien Or est il a point sil est gentil homme et le prince fait armee se la dame veult il yra Et pourra dire Mamie il faut que iaille a larmee du roy Et elle dit Vous yres et que yres vous faire vous faire tuer et puis voz enfans seront en bon point Brief il yra sil lui plait Et aussi quant elle veult elle en deliure bien la maison Car elle lenuoira la ou il luy plaira ou en vng voyage ou elle sest voee a bien grant haste et ira le bon homme face pluye face vent Et si aduient que son ami le galant qui scet les entrees de la maison lui prengne volente de parler a elle et ne peut actendre mais sen vient de nuit et entre en sa maison ou en sa chambre pour acomplir sa volente au lieu mesmes ou le bon home couche Et quant elles voient que leurs amis prennent si grant peine elles ne les reffusent

iames Et deussent elles morir Et aucunefois il se  
 a yche en la maison et le chien abaie mes elle lui  
 fait acroire que ce sont ras et quil fait souuent  
 ainsi et Briefuement il est enuelope en la nasse  
 Elle lui fait porter les enfans iouer Elle lui fait  
 tenir sa fufee quant elle defuuide le samedi mais il  
 na pas asses affaire et luy sourt vne nouuelle pensee  
 Car il vient guerre au pais parquoi chascun se  
 retraict es villes mais le bon homme ne se peut  
 partir ne laisser sa femme Et a laduanture est pris  
 et mene en prison vilainement et paie vn grant  
 rançon Or a il du mesnage sa part or conuient il  
 quil trocte de iour et de nuit pour aler querir  
 vitailles et pour les autres besongnes et briefue-  
 ment son pouure corps naura iames repos Or chiet  
 le bon homme en viellefse Et sera mains prise que  
 deuant et sera reboute comment vng fauconnier qui  
 ne vault plus rien au mestier Or fault que les fil-  
 les de la dame soient mariees et elles ne leurs  
 maris ne prisent rien le bon homme Il demoure  
 gouteux et ne se peut aider pour les maux quil a  
 souffert Lors pleure le bon homme ses pechies en  
 la nasse ou il est enclos dont nystra iames et noiera  
 pas fere dire vne messe ne testament sinon que il  
 mette son ame entre les mains de sa femme Ainsi  
 vfe sa vie en languissant tousiours et finira misera-  
 blement ses iours





**L**A treiziesme ioie de maryage si est quant celui qui est marie est mis en la nasse et demeure avecques sa femme v ou six ans ou plus ou mainf et est bien seur ce lui semble quil a troue vne bonne femme et sage Et a vescu avecques elle en grans plaifances Et a laduanture il est gentil homme et veult acquerir honneur et vaillance et veult aller dehors et dit a sa femme Mamyie ie veul aller dehors laquelle le baïse et acole et lui dit maintes fois en plourant et soupirant Helas mon ami me voules vous laisser et vous departir de moy Et ne saues se vous viendres iames elle met peine nuit et iour quil ny aille point Mamie fait il il conuient que ie y aille ou autrement ie perdroie mon fief et heritage que ie tiens Mais se dieu plait ie reuiendrai tantost Ou a laduanture il va oultre mer en quelque armee pour acquerir vaillance ou cheualerie Si prent congie de sa femme qui fait tout le dueil que lon pourroit iames faire ne dire Sil est homme qui ayme honeur iames ne le pourroit tenir Or retournons a ce noble homme donc nous auons parle Il sen va et recommande a dieu sa femme et ses enfans Or aduient quil passe la mer Et est pres des ennemis Par fortune ou par aduanture il demoure troys ou quatre ans quil ne peut reuenir La dame a ouy dire quil est mort dont elle fait si grandes douleurs que merueilles Et elle ne peut

pas tousiours plourer et se rapaise dieu mercy Et  
aduient que elle se remarie a vn autre et a tantost  
oublye son mari quelle auoit si fort ame mais main-  
tenant les plaifirs et les foulas quelle soloit faire a  
son mari sont touz passes et oublies Et qui la ver-  
roit contenir avec son mari dernier lon diroit quelle  
layme plus que elle ne fist oncques lautre Mais il  
aduient ainsi comme fortune le veult quil reuiet et  
est moult enuielli car il na pas tousiours este a son  
plaifir Et quant il approuche de son pais il en-  
quiert des nouuelles de sa femme et de ses enfans  
Car il a grant paour que ilz ne soient mors ou que  
ilz aient autre empeschement Et peut bien estre  
que a celle heure que le bon homme y pensoit et  
quil prioit dieu quil les gardast celui qui derniere-  
ment lauoit espousee la tenoit entre ses bras Lors  
il ouit dire quelle estoit mariee Or penfes quel  
plaifir il a douyr telles nouuelles Je croy que la  
douleur de iacob et de ioseph son filz ne furent  
pas pareilles a celle douleur Et a lauanture se  
mectra en mauuais charroy et tant que le bon  
homme en aura vne douleur perpetuelle que iames  
ne oublyera Et sont aucunement les enfans ahontes  
pour le faict de leur mere Lung ne lautre ne se  
porront iames marier la vie durant et aucunefoif  
selon que la fortune veult est vaincus et occis en  
vng champ de bataille Et mainteffois aduient que  
celui qui a droit est vaincu Et pource celui a qui  
telle chose aduient a troue le pas en la nasse de  
mariage combien quil ne lui estoit pas aduis Ainsi  
vse sa vie en douleurs ou il demourera tousiours  
et finira miserablement ses iours





**L**a quatorziesme ioye de mariage si est quant le ieune homme a troue l'entree de la nasse et a trouue vne belle femme et ont este ensemble en grans delitz et plaifances deux ou trois ans et nont fait nulle chose qui desplaise lung a lautre mais il aduient ainsi que la dame va de vie a trespassement dont le ieune homme est en grant douleur plus qu'on ne pourroit penser Or est changee fortune car il a perdu toute sa ioye Et me semble que cest aussi grande douleur comme pourroit estre de toutes autres choses dessusdictes Ainsi vit vng pou de temps en misere et en tribulacion de pensee Et se tient tout seul et fuit les compagnies Mais tout se Si aduient quil y a aucuns en la ville ou au pais qui aduisent quil est homme de bien et honneste et a bien de quoy ilz traictent a le marier a vne autre femme qui a les condicions tout contraires a lautre et a este autrefois mariee Et nest pas de celles belles ne ieunes mais est entre deux Et auise sagement et est vng grant temps sans monstrier sa malice mais quant congnoit sa condicion si deploye son venin Elle veult gouuerner son mari qui est ieune homme et simple Cellui qui est en ce point na que faire sinon prier dieu quil lui dont bonne pascience et endurer et souffrir Et quant il dit rien on lui donne maudissons dauantaige qui est appelle vng surcrest Ainsi est rescompense le bon homme Il

est en bon point iufques a laultre affise Elle ref-  
semble au poiffon qui est en vne belle eae Et par  
la force des grans chaleurs de leste qui ont dure  
tant et si longuement que leaue a perdu fon cours  
Et le poiffon qui est dedens defire fort de trouer  
leaue nouuelle Et quant les chaleurs font paffees  
et que leaue nouuelle reuient le poiffon y fuit Et  
monte affin quil la puiffe trouer pour auoir la grant  
douceur dicelle et faches que il nest riens au monde  
qui soit plus contraire ne plus desplaisant a vn  
ieune homme que vne vielle femme Or regardes  
se cest bien fait de mettre deux choses contraires  
ensemble Cest comme qui enfermeroit en vng sac  
vng chien et vng chat Et le ieune homme se en-  
uiellira plus en sept iours quil neust fait en vng an  
se le cas ne lui fust aduenu En tourmens et en  
gemiffemens il fera tousiours et finira miserablement  
ses iours





**L**A quinziesme ioye de mariage si est laquelle ie  
repute a la plus grant douleur qui soit sans mort  
Et est quant aucun est entre en la nasse et a trouue  
vne femme qui est ieune et prent des plaisirs a sa  
volente Et sachiez que quant est de ses esbas elle  
ne sen tiendra iames pour noife qui lui en soit faicte  
et en deust elle estre tuee Et aduient que le com-  
paignon son ami vient en la maison et que le mari  
le voit qui est mis en aiguet dont il enrage dyre  
et dangoisse qui lui serre le cuer Si sen va tost et  
entre en la chambre ou ilz sont et les troue en-  
semble ou bien pres Lors le pouure mary le cuide  
tuer Et ainsi comme il le veult tuer la dame pour  
pitie du poure homme cest assauoir du galant qui  
est en grant peril vient et acourt vers son mari et  
lembrasse bien fort en lui disant A pour dieu mon-  
sieur gardes vous de faire vn mauuaiz cop Et sur  
ce le galant desploye ses iambes et sen va Et le  
mari court apres qui na pas loysir de tuer sa femme  
et ainsi le compaignon eschappe Or fault il scauoir  
que la femme est deuenue Elle sen est allee cheux  
sa mere La poure femme compte tout a sa mere  
mais elle lui dist le galant est entre leans a ladan-  
ture et que oncques ny auoit entre que celle fois  
Et sa mere lui demande Et quel dyable auoit il a faire  
a toi Par dieu ma dame il mauoit parle deux ou  
trois fois de cela Et ie lui auoie reffuse et dist quil

sen allaft Lors elle iure vng grant ferment quelle  
aymeroit mieulx quil fust pendu ou a lauanture lui  
confesse toute la verite Et la dame qui fctet asses  
de vielle dance dit Certes ie me doubte quil y ait  
aucune chose Lors la fille baiffe le visage et ron-  
gift Ha ce fait la dame ie congnoys bien que cest  
Dy le moy hardiement Par ma foy madame il ma  
prie plus de deux ans et mestoie tousiours bien  
deffendue iusques a vne fois quil entra en nostre  
maison et mefforca Et par mon ame ie me deffendi  
plus dune grosse demie heure Haa de par tous les  
diabes fait la dame ie le sauoie bien Or ne fait  
rien qui ne fait plus fort gouverne toy bien et garde  
que le garson ne viengne plus en ta maison Et vraie-  
ment ie suis bien esbahie que ton mari ne le tua  
Aue maria fait la fille ma dame se ie neusse embrasse  
mon mari le poure galant estoit mort Tu fis que  
sage de len garder Helas ma dame se vous sauez  
quel homme cest que du galant Vraiment iay veu  
que puis que il plouuoit quil sen venoit tout a pie  
affin quil ne fust veu et atendoit a nostre iardin  
bien vne heure ou plus de demie la nuyt Or auant  
il y fault mettre remede qui pourra Sa fait la dame  
a sa chamberiere Va dire a mes commeres telle et  
telle que ie leur prie quelles se viengnent esbatre  
auec moy et que iay vn pou afaire delles Lors les  
commeres sen viennent a lostel de la dame Et fas-  
sient au plus beau du feu et les premieres choses  
quilz font sans dire pater ne aue maria elle boient  
du meilleur en actendant que lautre amende et dieu  
fctet selles font bon guet deuers matin pour corner  
anglois de quinze lieues Lors vgne des commeres dist



a la mere de la fille Ma commere fait elle quelle chere  
 fait vostre fille Par dieu fait elle ma comere il lui est  
 aduenu vng bixeste pour quoy ie vous ay enuoie querir  
 Lors el compte comment il est aduenu Et lors les  
 commeres dient comment il leur en est pris en sem-  
 blable cas et dient bien et fust ores vng president  
 et dieu scet felles seroyent bien propres a faire vng  
 grant tourbe et comme ilz alegueroient les stilles  
 et coustumes du pais De fait elles en auoient vse  
 sans le reuoquer en doubte Les vnes alleguent les  
 autres replicquent et respondent pour sauoir l'enten-  
 sion et lesclande qui est aduenus et aussi pour re-  
 parer la chose et remectre en son premier estat Et  
 apres tous argumens et responces elles font leur  
 conclusion a lencontre du bon homme Et ainsi  
 elles y mectront bone prouision se dieu plait Et  
 sasssembleront souuant et se tiendront bien aise mais  
 le bon homme a qui la vilennie a este faicte paiera  
 tout Ainsi procederont a lencontre du bon homme  
 Et ainsi le bon homme est en la nasse de quoy il se  
 repent mais il nest pas temps Ainsi viura en lan-  
 guissant tousiours et finira miserablement ses iours

Cy finist ce present liure qui est dit les quinze  
 ioyes de mariage




**Imprimé par Breitkopf & Härtel, Leipzig.**









3 2044 020 257 713

THE BORROWER WILL BE CHARGED  
AN OVERDUE FEE IF THIS BOOK IS  
NOT RETURNED TO THE LIBRARY ON  
OR BEFORE THE LAST DATE STAMPED  
BELOW. NON-RECEIPT OF OVERDUE  
NOTICES DOES NOT EXEMPT THE  
BORROWER FROM OVERDUE FEES.

Harvard College Widener Library  
Cambridge, MA 02138 (617) 495-2413



